

紫

微

集

張
嶠



書

欽定四庫全書



紫微集卷一

宋

張嶠

撰

賦

梅花賦

潘騎省之植花氛氲河縣桓司馬之種柳依依漢南未
若茲梅之峻潔遠自託於層巖格伴蕙蒞志傲冰霜青
枝瘦而依蔭亂蘂繁而向陽風披逸態月射孤先挺出
塵之絕艷吐超世之奇香若乃遠壑冰消踈林雪後沙

村迥而日晚石澗淺而寒溜臨山徑之欹危出茅簷之
左右或芬敷而盛發或伶俜而欲瘦或含葩而未吐或
噴蘂而競秀其高者如舉其低者如墜其踈者如刻其
密者如綴其素者如愁其絳者如醉傾日而照者如笑
迎風而靡者如愧覩節物之芳華亂鄉愁於晚歲懷故
園之春色惟茲花之頗類嗟物是而人非閔節同而時
異矧昔壯而今老復前豐而後悴攀柔條而未折嗅青
蘂而墮淚悲憔悴於荒山惜賞心之莫會如志士之陸
沉亦何為乎此世羗欲去而還止步落英而徙倚眷孤
芳之信姱諒瑤華之莫比故知國香版媚非獨燕姑之
幽蘭珍樹瓏璵未下唐昌之玉蘂

中秋賦

陳王之客元瑜從軍吳會季重出宰朝歌寂寥觀臺賓
從頓寡時當仲秋積雨新霽煙消廣廈步蘭路而逶迤
美西園之清夜悵別遠而會稀感時遷而物化乃設醴
以命賓躋凌風之累榭中置以後酒酣耳熱顧公幹而

謂之曰今茲野有鳴鶴天絕歸雲丹楓微脫白鴈初賓
望舒曜夜而迥徹六合清朗而無塵茲遊樂乎盍為寡
人賦之公幹乃執簡而言曰臣生居東國少遭喪亂幸
值明時造跡賓館臣聞幽籥迎寒遠載於周典乘查上
沂近傳於漢臣臞仙則採露於栢杪吳士則觀潮於水
濱信白藏之令月蓋西陸之佳辰也于時天宇正碧涼
夜方永瞻東峯之朧朧見素輝之初引斜漢淡而茫茫
列宿踈而炯炯白露泫而晶熒回潭澄而遠鏡翫老蚌

之含胎驚棲禽之不定俄而隨珠委曜趙璧舒光群峯
變縞曠野凝霜映林岫以玲瓏射檠堯而焜煌散珠樹
之清樾瑩美人之明璫於是停妙舞息繁吹聆清蘓于
體表聽胡茄于空外望桂影而凝情睇澄輝而佇思悵
冰輪之既滿諒無遠而不燭照思婦之高樓鑑幽人於
空谷光出塞而漫漫影流波而煜煜乃有負羽少年懷
才滯史對絕景而恨結悲故鄉而心死况乎操琴多雍
門之意琵琶有出塞之聲征衣搗而未寄戍卒去而將

行朋友散兮山海隔音書絕兮鴈無憑於斯夕也望千
里之素魄緘萬恨於幽情莫不言將發而氣塞語未終
而涕零者矣於是德祖聞之傷懷慷慨泣下歔歔含毫
奮筆而為明月之詩曰秋氣高兮桂魄圓風泠泠兮露
團團歲將暮兮蘭菊芳思佳人兮天一方照蘭殿兮映
綺羅呈激楚兮發陽阿人生宴樂兮孰知其他公幹乃
跪而言曰夫古人以宴安為酖毒沈湎為至成今流連
長夜絲竹繁會載號載呶蜩蟬羨沸何吾子之賦獨無
畫規之義乎乃歌曰酒既酣兮夜既闌管停吹兮絲罷
彈長袖拂面為君歡願公子兮保歲寒輔明主兮寰宇
安翫清輝兮復年歡陳王於是斂衽謝客三復至言永
以為則

壽賦

竊以某官以仲冬初五日降誕仲冬者一陽復之時也
五者大中之位也至陽所以伏群陰彼君子者純陽之
象也大中所以距頗邪頗邪者小人之謂也天將以公

進君子而退小人其兆既存矣謹按洪範惟皇之極欽時五福用敷錫厥庶民由是觀之自天子至庶人大中既建則五福從之其為福莫大於此者謹成古賦一首以申其義且致善祝之意云爾歲強圉赤奮若兮仲冬皇極實生偉人兮以佐王國稟正陽之貞性兮資大中

之妙質宜博蹇而修姱兮好是正直挺濯濯之瑰姿兮角犀豐盈偉視瞻之英發兮進退齊平事紛至而畢應兮刃新發矧衷豁達而不忌兮一毫莫撓抗逸氣而無前兮雲夢可吞進群士而下之兮言色惟溫視奸回而必去兮抗志不羣誓悉屏而遠之兮以答天庭宜公宜侯兮夾輔大君銘功鼎鍾兮畫像麒麟原建子之令月兮一陽來復考皇極於元日兮大中斯得惟一陽復而中建兮羣陰伏而頗僻銷君子進而小人退兮可驗其由願公進君子兮以引以巽去小人兮勿二勿惑脩德政而施教化兮小人允懷進廉直而退貪佞兮君子大來君子進而小人退考休徵兮五福是具膺公袞兮踐

槐序問兩社兮為王室輔原厥初之昇付兮諒非偶然
雖公德之既懋兮尚祈勉旃秉德不忌兮奉以周旋繁
祉優裕兮安樂延年下吏獻言永矢弗諼

續囚山賦

余居山二年汲汲鮮况讀柳先生囚山賦因嘆曰无桎
梏而獨居于人之地真囚也或曰柳先生得罪于時放
逐湘南欲去不可故云今子非得罪居此其去也顧不
在子耶余曰子厚之所為囚者人也其不可去者罪也

余之所為囚者天也其不可去者勢也客未解作賦以
曉之因命之曰續囚山賦其辭曰環廩庸其幾里兮中
間櫛比乎山丘如疾風之過鉅海兮翠濤競起而漂浮
窟束福仄紛以回互兮氣壅結而不流產毒孕怪兮土
風殊異乎中州陂陀綿亘若園土兮草樹鬱叢棘之相
樛仰天府地了不見其隆寬兮懷壹鬱而增憂嗟余生
之不辰兮偶託跡而淹留何懷安而不去兮乃獨堪此
牢愁豈不樂通都之是處兮與群俊而遨遊顧世路方

險絕兮羊腸莫之與侔風波蕩濇兮行客沉舟讒口聽
听兮又将搯彼戈矛余雖厭是而欲徃兮復懾龍言而更
休明方夷而未融兮時方剝而未賁忍尤而攘垢兮甘
作山之孤囚

憎雨賦

皇天不容於昭明兮白日不容於顯融惡堪輿之清朗
兮好雲霓之晦靄反明以為暗兮變晝而作夜莽惛惛
而不可訊兮誰為此者豈造物之固然兮將羣陰之所

為苟大鈞之若是兮吾將排閭闔而問之建列宿以為
旌兮召豐隆以為御令祝融使先驅兮歷元冥而問故
命蓐收司刑兮臯陶為理囚屏翳于雷淵兮剌飛電而
誅虹蜺聞羲御之將駕兮吾將懷椒糝而要之皇天反
其明兮后土無所污望舒承夜兮昏與明其代序卷此
志而弗抒兮吾猶窮困乎此時也將冥行以問塗兮又
何以為此態也

四言詩

紹興中興上復古詩并序

臣皞昧死再拜臣伏觀皇帝陛下以天明地德紹覆載之功迎善氣啓興運繼統業拯民命撥衰亂致大定自天地剖判以後書契以來中興復古之君比德較功莫有望其彷彿者初龍翔於王室始騷之時撫運於炎正中微之日豺狼縱橫群盜滿野志存民命好生諱殺惟務聳德以變其野心兢兢業業惟孝是圖惟親是念卑宮室之奉省嬪御之幸惡衣菲食早朝而晏罷以徹上帝之衷乃臨御之九年起大丞相太師益國公秦檜於閒廢之中明年復相之與之共圖中興之事君臣一德如魚之有水聲音之相和鹽梅之相濟不動聲氣而神化密運天下莫可測知至於聖孝曰躋是崇是贊所以感通庶類逆釐三神者雖夫婦之愚咸知其有善應矣是以內之則盪夫悍將頽首聽命而無項領之虞遠之則惡吏姦氓勉於承化而無凌犯之變風移而益淳刑輕而幾措于以風德於遠方而異類為之革面達孝於

絕黨而敵國為之改圖初年而和議定兵革息孝德之始驗也嗣歲而祫宮至母后歸孝德之成功也予以示天下則何人不勸予以致治功則何事不成於是釐舉嘉義以飾至治凡稽古禮文之事以次貫行郁郁之皇文丕天之大理所以耀德於廣遠而新民之視聽者不可勝載臣不敢毛舉庶事姑撫其大事言之奉太母於慈寧極天下之養盡家人之禮至孝也選淑德嬪皇極正人倫而厚風俗至德也建立太學萃英俊以流德化

知本也新圖書之府嚴求書之令廣聞見以務博儲人村以待用右文也行鄉飲於郡邑以班序顛毛崇化也正經界於阡陌以平均賦入卹民也至于愛民力矜物命節誕彌之宴足以示慈惠而已而不以侈靡為尚盛德之事於是備矣此獨致盡於人事者耳若夫崇壇壝之制靖邁豆之列純犧牲之奉嚴玉幣之陳所以致禮於天地也飭祖廟以崇宗祏之奉建原廟以謹衣冠之游日祭月祀共事無爽所以致孝于祖考也上稽漢制

下考本朝築宮修祀以奉太一為民也耕于畝以勸民
謹三推以率之敦本致力莫不競勸勤民事也瑞乙始
至芾韞而祠莞輦効祥錫美有緒所以謹國本也先成
民而後致力於神上下服媚神人胥悅由是豐年屢應
田穀睦熟瑞物狎至符況沓來固其所也若是而瘖無
歌詩布宣令德以昭示來世則秉筆之士何以避辟自
昔中興之主如夏康周宣漢之世祖唐之憲宗咸用于
戈以後故業或功成于一面事至微耿而當時綴文之

士猶且作為歌詩以稱頌功業以垂後世而况我宋中
興皇帝陛下得賢聖之佐成昭明之業而不被之聲詩
薦之郊廟協聲依詠以樂和平汗青書策以示得意使
後世何稽焉臣雖固陋日嘗以文字從詞臣之後深恐
徒老於外無片言以歌詠盛德成功少佐聖治之光明
臣終且不瞑用是輒忘其蕪累再拜稽首而為是詩其
詞有曰

天監我宋受命以人乍為亂階以啓聖人皇帝嗣位其

仁如春萬邦欣載共惟帝臣垂衣高拱惟務儉勤恤民
不急懋穡勤分卑宮勿飾服御無文膳食取具不羞庶
璠內官弗備簡御嬙嬪抑損戚畹登崇搢紳吏除苛繞
獄去放分刑罰不試號令不頻旰食宵衣導率以身行
之暮年天下歸仁皇帝躬行過於堯禹如天不言乃帝之
所內資稟命外須訓撫不有相賢孰資察補天舍其衷
遺之碩輔實惟舊臣乃吾肱股昔以夢求今以德錯皇
帝曰咨惟予與汝我唱而和無或疑阻如手如臂如心

如膂如彼事神汝為椒糝如彼琴瑟相待憂拊相臣受
命于帝其訓敢憚夙宵以圖淑問衣不及帶冠不暇正
內事撫摩外修好聘忍尤攘紛徂惟求定皇帝之孝克
邁帝舜相臣佐之茲惟無競上感穹昊下格殊隣以暴
為恩易頑以馴母后既歸東朝侍御天下載歡若飢得
哺天子躬儉惟親是豐未明求衣朝長樂宮禮備家人
養以天下先意承旨事無違者天子行孝天下承風胥
訓胥效比屋可封乃建中宮以母四海詩首關雎易稱

中饋天子之尊亦資內助上奉慈顏下式寰宇事親底
豫化民致和始於壺闔邦國是訛太學肇建四方是極
增博士員導以經術有來英髦充剏上京三年大比以
考其成異時之用維公維卿石渠廣內圖書之淵羽陵
之蠹斷簡之編是息自游英俊在焉逸羣之彥比跡卿
雲懷材待問發聞揚芬馳騁古今上下典墳考正律度
是為景鍾導和殖財國用以豐不窳不楸咸中典刑有
渙其章上公是銘茲器惟則允為國經德爵之亞莫尚
惟齒班序顛毛以為民紀鄉飲既行郡邑是遵洙泗之
風無復斷斷井田既壞民困刳假乃正經界以實多寡
賦入既均貧富不病非上恤之孰拯其命誕彌之節式
宴示慈樂不計費孰敢節之皇帝曰咨費財無藝親降
德音以禁肆侈天下歡然稱盛德事匪帝命之臣子曷
議著之令甲付之史官永永萬年無或敢干人事既洽
惟神是事于廟于郊各盡其禮其郊維何藏事圓丘帝
御六龍冕十二旒既新宮架既備禮服有潔其牲有温

其玉合祛天地侑以祖考樂奏六變其音肆好問誰相
祀實維上公登降跪起有肅其容天地並况瑞物來下
天子萬年以有純嘏其廟維何可以觀德德盛不祧祀
事不忒祖廟既飭旅楹有閑原廟繼作以游衣冠若節
春秋皇帝戾止薦獻有容祖考咸喜禮成而退祇奉不
瀆天子萬年永綏遐福天神貴者莫尊太一置祠為民
其宮有恤既倣謬忌道開八通皇帝臨饗威神是崇天
人相際福祿攸同國南千畝是為帝籍天子肇祀以祈
黍稷我黍與與我稷翼翼以享以祀以為民食福祿綏
之萬世無數乃營吉壤肇建高謀何以歆之帝德不囬
瑞乙既至后率所御以弗以祈有秩斯祐千億之祥兆
於帝武天錫皇帝聖欽不遲事神保民以莫不汗上帝
臨之云何以報維年屢豐諸福是効非維豐之又布獲
之東西南北咸錫予之稼茂於野粟積於倉禮義興行
民俗以臧桴鼓不鳴獄訟哀息人有蓋藏道無捐瘠和
氣所蒸化為瑞物甘露零庭近在郊邑有木呈祥合枝

共抵考傳驗符遠人不貳或剖其中自然成文太平是
告希代莫聞豐年屢應衆瑞應圖皇帝謙恭不以自居
圖回庶事益慎厥初君臣相戒可否吁俞政過三代言
成典謨歷選后辟前載所無在昔中興周漢二宣夏康
商宗漢祖晉元咸用干戈配天祀夏其臣歌頌或列于
雅方之皇帝燭火太陽顧無歌詩垂世用光詞臣伏罪
無以塞責誰其詩之以佐皇德下臣張嶧過不自揆日
官兩腋待罪文字敢頌厥美以贊后功江漢崧高不足

比隆

紹興聖孝感通詩并序

臣嶧昧死再拜臣恭觀皇帝陛下嗣位於炎正中微之
初因衰激極道迎善氣數年之後天有還形羣盜衰息疆
場少安民人接餼年穀豐熟唯是除戎警備之事日日
以振將疆卒武人有奮心舉而并勅敵復故地宜如竈
上掃除而方且詔封疆之臣無得妄動敵來則禦之去
則已曰南北等吾赤子也勿以深入多殺為右始也淺

陋不望清光之臣俵俵然率不與聖意所謂下臣嶮輒不自揆竊迹行事而加深思焉若有得其解於萬分者蓋敵固吾仇也而二聖大母在焉顧可投鼠而无忌器乎或問臣曰桃應問孟子曰舜為天子皋陶為士瞽瞍殺人則如之何孟子曰執之而已矣然則舜不禁歟曰夫舜惡得而禁之夫有所受之也然則舜如之何曰舜視棄天下猶棄敝屣也竊負而逃遵海而處終身訢然樂而忘天下然則孟子之說非歟曰此殆非賢聖之言

意羣弟子之失其傳焉耳夫舜聖人之以孝聞者也使其以受堯之重既不能庇其親而執之又不能終其所畀付而去之是兩失也如是曷以聖為凡六經之作所以為範於後世然今之所載者常道而變故之來也無窮設有遭非常之變而不能得聖人之意於文字之表曷能曲有所暢乎仰惟皇帝陛下嗣服以來內之所以治戎事理邊疆常若寇至而不少解者致重於宗廟也外之所以不以并敵戰勝為武而率以柔道懷服獷悍者致

保於君親也在於重宗廟至義也保君親至孝也其視孟子之說不亦兩得乎於是孝至而益加義立而增修措之天地而神明協其應施之蠻貉而盭夫易其慮紹興辛酉金人來告和且許以先帝梓宮歸於我別命貴臣奉太母輿衛以歸其明年八月某甲子皇太后至於行在所前至一日皇帝備法駕率羣臣奉迎於郊舍之外于時天地緼豫日景清明臣民歡虞和氣洋溢謹聲所盭川嶽振蕩其明日乃歸于長樂宮於是卿士庶人歎息忭躍遠邇一辭咸曰皇皇乎丕天之盛事自天地剖判以來未嘗有也向非皇帝陛下自得聖人之意於六經之所不載且有同德之臣以輔其治何以至於是哉自今以往天下之學者始知忠孝有兩全之道仁義無偏厚之失向使衛輒聞之必不假王父之命而有拒父之事漢阻聞之必不以就天下之故而肆分羹之言軼乎千世之上固已合符六經垂之萬世之統可以軌範來葉非上聖其孰能之斯舉也君子書之以襲經辯

士語之以稱博推而行之可以馴至於聖域詩而陳之
可以淪浹於性情士生斯時獲覩凌風絕輝而不動於
耳目不發於文辭以稱頌盛德顧視曩哲不亦慙乎臣
不佞嘗以文字待罪詞掖雖獲戾屏居側聆慶會情發
於中不能以淺陋自己故再拜稽首而為之詩曰

宋有天下逮乎八世猛敵橫生侵欲不忌堯湯水旱文
景菑異數則使然豈人攸暨皇帝承統甚武且仁內銷
姦孽外備殊隣濩明濩昌師武臣力抵掌含怒日思奮

殛皇帝曰咨咨女將臣慎守疆場以保吾民敵來則禦
折北勿追姑修吾德以待所歸人亦有言投鼠忌器矧
彼狡焉吾親是質彼兵攸恃我則聽攻靡以歲月徼天
之衷彼雖剛戾不可擾馴我視其欲以舒吾仁始我有
衆公卿庶士謂彼悍驕庸知德義苟有誠信金石為開
豚魚之孚惟道之懷有唐睿真亟詔求訪惻恒之誠寧
甘百調皇帝曰咨予由是心彼雖我詐我惟爾忱孝悌
之至神明可通惟彼不信天誘其衷行人是來言棄舊

惡我奉慈母歸御長樂八月甲子至行在所天子在所
天子郊迎其從如雨老稚仰觀踴躍呼舞卿士相趨肅
穆偃偻天地感通發祥頽祉卿雲鬱興輪囷離詭屏翳
不驚川后靜波雲飛淵泳謹聲相和玉虬沛艾芝蓋穹
崇千乘雷動萬騎風從天子是侍如長樂宮渤澥為杯
華蒿為豆舉烽行炙撞鐘命酒既勞王爵下逮奔走萬
歲稱觴獻太母壽敷天之慶周浹寰宇溥海內外無或
失所皇帝之孝振古曷遇睿算無疆永作民主人無疾
癘田多黍稷兵革不試四夷款附太母萬年康疆燕豫
皇帝之孝莫與比德錫羨無疆子孫千億莞簞發祥開
統拓迹嶷嶷岐岐詵詵翼翼有綠其車有赤其舄太母
萬年含飴燕息始歸太母小大具疑謂將我廷胡寧以
歸皇帝之孝先定不易爰有廷臣協比我德有贊其決
無貳其心指期待旣天實我臨曾無愆素歸御悃悃凡
是謹囑盡為歌吟天錫皇帝示將保定太平之休繫此
其證際天所覆咸為我土含識之倫我籍斯附充入舊

貫天臨萬方子子孫孫永世克昌

無遺其心前臨後臨天賜皇帝永世克昌

無遺其心前臨後臨天賜皇帝永世克昌

無遺其心前臨後臨天賜皇帝永世克昌

無遺其心前臨後臨天賜皇帝永世克昌

無遺其心前臨後臨天賜皇帝永世克昌

無遺其心前臨後臨天賜皇帝永世克昌

無遺其心前臨後臨天賜皇帝永世克昌

欽定四庫全書

紫微集卷二

宋張嶠撰

五言古詩

秋懷

前山躋暮氣虛簷納輕陰
沉苛稍輕體徐步望遙岑
沈寥天宇淨斐入秋雲
深原野曠蕭條崗阜何崎嶇
微霜被羣物悴葉聲蕭森
遊鱗奔巨壑翔鳥候穹林
結念非一端滯思紛相尋
伊昔抱微尚夙懷塵外心
風波一震

蕩飄流安可任
庶頗思趙士鍾儀
懷楚音往憤既切
古來憂方在今
安排諒衡言委順
亦虛襟由來窮達
士萬古同堙沉聊
申悽斷意持和雙
南金

前山微奉和李元叔察院秋懷

屯雲生廣澤白日互虧蔽
如何三秋杪顧作九暑熾
高風摧蒲柳未覺到蘭蕙
幽人感歲徂節生悲遠志
伊予老憂患感激志鑿寐
起視籬下花節過真少味
豈無王弘酒深愧淵明意
未然招隱詩默契幽林思
瞻彼區中中清冽成萎悴
安得西山藥飄然以超世

十年重董彌大郎中以憲前菊花晨且鮮明午間萎蕤

感而成詩興寄古雅次元韻

人生朝氣銳茲花亦復然
鮮榮若自矜低垂如乞憐
平生浙鄞路滿谷為誰妍
山深風日美揚芳被涯邊
食飲賴香潔輕安遺節宣
昔乃壽胡廣由來豈其天
至理竟

誰問三歎秋風前

浙鄞屬穰縣有菊潭潭傍之人飲食其水皆老壽胡廣素患風疾沐浴此

水遂愈八十餘卒

將至臨安途中偶成呈表叔陳給事去非

未契託外親夙昔承顧盼鄧鄙聽論詩房陵共遭亂蒼
黃南路大雪將沒骭事定訪田家山花已如霰燃薪
代燈燭新詩仰華絢雨餘登近嶺春晴集兩澗彷彿紙
坊山泉石眼中見形影一東西音聲阻河縣鴛鴦自拘
孿鴻鵠謝羈絆俄瞻九天上更覺斯文煥鄙賤集豐深
十年遭兩難稠重荷顧存凡庸辱推薦窮途感一飯况
此膺深眷門墻行欲近仰止極昏旦餘生不自意復得
親談宴存沒割中腸申章淚滂濺

風

一歲三百日烈風朝暮吹不知剖判來曾有無風時况
茲踰年旱小雨時細絲蓬蓬從天來一掃雲氣離雖荷
扇暘勞要無膏潤滋功過不相庚退坐徒歎咨何當快
雨至簷雷如綆縻萬瓦躍水九千虹注幽池坐見搗死
苗翠浪翻前陂雨罷樹不搖溟溟天宇垂此事恐無冀
忘言詠吾詩

普照觀并序

解舟普照觀道士語予直北山葛仙翁故廬山多黃
精仙翁故以名山云
欲雨春嵐重微風松韻清泊舟古觀下卧聽山鳥聲行
樂愜幽步訪僧舒遠情仙翁遯世久巖壑自崢嶸丹竈頗
可識故基猶未平何當遯世網來此飯黃精

送馮貫道之東川轉而之行在

秋風來萬里草木日夜凋屬茲慘慄時執別在今朝亂

離多苦辛况乃道路遙若人抱竒節勁氣干雲霄結交
二十年途窮識久要間關復會面益若漆投膠感深念
存沒投分忘頑囂汝海昔為別盛年意氣豪及茲分手
日星星悲二毛壯心隨遇盡曩志與時消別夜月皎皎
途方迢迢故園不足懷令德乃所操君其愛爾軀努力
熙皇朝

送李子勉

馳騫謝新軌息偃思舊扉嬋連悵若人閱歲此音徽直

諒方求益離憂忽在茲平居輕歲月分首重斯時出郭
郊樹綠夏雲千里竒男兒杖策去行路亦光輝還家未
徂暑散軼掩郊扉濁醪款隣里時果歡稚兒家山恣躋
攀田野日遨嬉駕駘戀棧豆鴻鵠謝繫維論才惜暫去
循計豈云非握手錢塘別余歸未有期

送張養正

脫巾造朝市委轡即田廬雖云懷素尚出處亦自如吾
宗信端諒憲憲為世儒頃以才令選來司中秘書光榮

耀士林側佇翔天衢一朝拂衣去意與張邴俱出錢北
郭門踟躕立路隅雨餘夏郊綠時覺晴雲驅專城秩匪
卑還家意復舒誰云離念惡茲行翻足娛徒傷萬里客
送別在三吳

送馮元通帥夔

烈士志狗名仁人思愛日馮公杖節歸頗全忠孝術狂
童昔兆亂天常幾反易大臣清國屯公實預謀畫白士
為臺郎未省聞在昔義為軒冕重功在鍾鼎勒十載猶

故官念言為伊鬱邇來升宰士式序期日夕囊封卻復
上告去更甫力官榮豈不懷志養不遑息顧我廢蓼莪
日念掃塋域公方詠南陔肯為高官職絕裾袖疑溫抗
疏今師密都門行餞君視古無愧色柔甘既獲奉中外
等事國雖是平生言勉哉宣澤川

案原本
脫一字

詠水上雙白鳥

如鵝大古人
謂之白鴈

夜雨山水清朝暉淨崖壁飛來雙白鳥未省平生識駕
鸞謝清姿鷗鳥慚素質低昂信波濤顧盼矜羽翮鮮明
潭光清錯亂浪花白輕舫忽東來搶飛百餘尺復下水
中央相將詎離析稻梁豈深謀飲啄亦自得空山羅網
稀遂性無驚惕不學西雍鷺翻飛近人跡

春夜山居望月思故園有作

萬壑自清夜春嵐昏衆星明月麗霄漢清光周四溟獨
立萬里外飄然欲遐征回首望江漢中原氣冥冥東北
有去鳥我願從之行逝將歸舊邦山河宛平生丘園已
蕪沒徑術春草青觀臺傾夜雨曲池今向平俯首叫父

老曠野無人聲廬井不復辨灌奔春露凝傷時心震蕩
懷舊意縱橫夜久林葉光山空泉韻鳴緒風行復革機
運無暫停理會衆緣釋情鍾群慮并靜躁物固殊太空
本何嬰庶以道自達超遙謝櫻寧

六月初八日過龍洞納涼樹陰下酌泉待月而

行

絕壁不帶土一目千仞青何年架危閣窈窕窈陵青冥仰
觀衆樹姿俯聽大壑聲山空響互答隱鱗心所驚人生

幾何時冒此絕險行雖獲須臾快未償百年生龍洞視
正黑水為琴筑鳴層巖積陰厚六月如寒冰泉甘聚壑
小洞深秘神靈天設境自絕地近人為輕獨坐蔭佳桂
峯高日西傾薄暮來者少長風始清冷賞會匪初望徘
徊但令情坐見山月上衆景紛縱橫密林棲鳥定始復事
前征

送別

歲晚多烈風鴻鴈號廣澤寒日行天邊及茲送歸客余

生足睽異不作兒女色此夕復何夕傷離重悽惻子權
既云西余行亦將北豈但今日別方異平生跡千里即
寄書萬里空歎息朝市與山林從茲恐乖隔

達州月夜

薄暮行人息角聲吹已殘城空羣犬吠明月照關山四
望何所見煙蒼樹團團但聞流水聲不見飛鳥還故園
天一角時危路間關避地方云始整駕何當旋故人同
此夕若為懷抱寬

過雲安縣

平日雲安縣常見少陵詩今朝忽經過人生信難期不
聞鷓鴣鳴蕭蕭山樹悲昔人不可見長江無盡時

山中月夜草色香烈頗如昔年上庸鹿門之游
感而為詩

月淡雲始合沉沉山樹清露濡幽氣馥澗草不知名既
念上庸隱復懷鹿門行睽離馳歲月南北異平生况抱
懷昔念存沒感中情緬懷故園月亦傍山河明花發因

風散溪流度石平當時游矚地何人復再經客心徒搔
搔夜色自冥冥蕭散詎為適祇今悲憤盈

呈同遊諸公

衆嶺莽回亙古剝藏喬林平川一目盡列岫千重深莫
幾經歷我輩復登臨山川諒不改徒傷懷古心

舟中獨夜

泊舟依聚落水色澹餘輝紅樹滿秋山夕烟上霏微稍
觀漁火明漸見行人稀孤客畏遙夜况乃窮秋時踈蓬
見天星朔風左右吹重衾不能煖展轉枕屢移懷歸意
戀戀感舊心悽悽驟使百慮集起坐復揩頤人生諒多
牽吁嗟竟何為

雨霽出郊外

時雨當夜來出郭喜新霽佇立望四郊春容卉無際群
山隔大江蒼巖澹相對輕風生水波微露滋花氣綠津
柳已暗忽悟清明至融怡歲序同俯仰河山異逢時思
墳墓拜掃十年廢聞有故童僕壺飡酌荒隧新阡固已

遠龍輜尚天外已深濡露悲更下孤臣淚
閩中山間每早白霧四塞咫尺不辨

閩嶺冬候晚歲窮殊未寒誰為五更霧皓皓懷羣山剝
琢斧斤響啁啾禽鳥閒遯聽知何處四顧但漫漫恍如
湖水秋眇與天相連喬林膏沐已遠岫漸披顏高閣延
朝景清輝泛林端諒非侵晨興詎識景物閑忽思鄉社
歲日晏未開關

庚辰二月雪夜作

夜半雨鳴廊晨起雪暗空不減臘月寒故作昨日風融
銀擁山腰飛花滿裘茸辨此了不難咳唾煩天公纖纖
園中花一夕無光容凜凜庭下松巍然兩蒼龍

詠鶴

鬲然毛羽淨綽與秋風宜闊步循廣庭伸吭矜羽儀稻
梁謀幾何終然遭繫羈豈銜雲外標遂為時所縻因知
古清士削迹畏人知

晚行閣道自對溪趨小栢宿

高峯猶返照絕壑已先晦蒼波去不窮青崖儼相對山
 回路欲斷溪豁雙流匯閣道自委地林影常澹瀨仰空
 欣樹佳佇立驚石怪山晚雲不驅路暗客猶邁平生事
 幽討興與林泉會何意漂泊年得此行李內境勝固所
 便地絕復多畏娟娟月初上颺颺遠風快幽蟬響復咽
 宿鳥驚欲墜望望驛尚賒應在青烟外

雜興

疎園兩樹杏風雨夜離披離披君莫恨結子還竝枝猶
 勝西澗水一去杳無期靜坐觀物理令人添鬢絲

遊獨孤城下作

利成山百丈直下獨孤城事往歲月積長江依舊清昔
 人經過地我輩復此行但見竹樹稠石崖如削成喬木
 晚未凋青青發餘榮天寒遠峯澹日晏長川明時危懷
 古意歲暮羈旅情一室寄絕岸千家託柴荆晨炊飯脫
 粟似此田澗氓羣盜正猖獗深居且偷生反念故園日
 默默何由平

詠雪得光字

東皇携春來屬車載霓裳回風作妙舞雜佩鳴珠璫千
官玉筍班再拜稱瑤觴酒罷各分瑞圭琮粲琳琅浩蕩
涵濡恩一笑徧八荒塵垢得湔洗焦枯亦輝光偉哉造
化力天地為翕張功成了不居杲日天中央

喜雪

瀕洞四山沒萬籟無遺聲羣飛喜凌亂遍積愛寬平呈
姿碧樹立照影方池清出戶延幽意齊心謝羣靈幸有
豐年望初無絲竹情取樂付諸少焚香觀道經何事衝
寒久微吟詩句成

初夏晚興

微月破幽樹草露生夕涼夏木紛已成時禽暮歸翔閑
花自白紅無人領幽芳晚沐岸輕幘披衣暫倘佯外狗
志自局理會言可忘俯仰婚宦初未省離土疆那知天
壤內有地名魏塘竭來歲再華及此身方強豈但理茨
棟種樹日望長分將百年身送老湖海荒人生等如寓

何必還故鄉

送陸堯夫倅襄陽

我本江漢客十年官到京君為三吳士歛有南雍行風
波眇沂沂水陸幸俱平是邦雖毀頓生聚今尚成矧君
勤令德足以惠遺氓井邑應非舊長江如故清峴山雖
已頽遺記尚縱橫假日當訪古兵厨宜細傾客心終憚
遠歸意欲遐征鬱紆懷土念去徃遊子情待君成政日
繫我契歸耕送別南歸路復班三峴荆離居何以憫日

夕佇休聲

擬蘇少卿寄內

話別河梁上踟躕古道邊男兒重意氣握節向幽燕一
來單于庭五閨猶未還黃雲愁瀚海朔雪暗燕然塞柳
春猶白河水暖尚堅有懷幽閨婦二八政嬋娟寄言當
永決欲語詎能宣忍苦聊相待恐乖全盛年二事熱中
腸吞聲徒向天紛紛節髦落淚盡秋風前

橘林

皇后毓璠木翠蓋如停雲徠服茲南土素艷方氛氳
言在深固非用擬封君

村中早出

草白露初曉好鳥啼高林籬下水流急門前山氣深
花光迷近甸柳色映遙岑春物自鮮縈但傷離亂心
還成騎馬出惻愴望城陰

大熱

拂鬱厭煩暑稍欣夕氣清徬徨不能寐解帶臨前庭
長林激遠颿餘涼入踈櫺白露被百草河漢上縱橫
山氣自高爽久諧肥遯情羲和當此歲振職在朱明
金石亦為焦况乃柔脆形陰泉變湯液夕穎成枯莖
念彼市朝士復嗟田畝氓徙倚待明月徘徊步列星
炎蒸豈不苦復畏秋風生

借居

借屋得修竹復近清江湄衙門獨看雪衆物有餘安
幽鳥下庭靜野泉通櫂遲既諧避世心况與塵事違
幸無

井臼勞未免親鋤犁已放西山燒種粟方俟時此外復何作閉戶但成詩

出順陽

浮雲作曉陰未放寒日光平岡連縣郭草樹鬱蒼蒼清溪貫其中可以一葦航西流合漢沔外山微茫紅葉明碧林下有寒菊芳蜂蝶紛已去無風徒自香我欲寄所思遠在天一方安得千里足寬余九迴腸

九日三首

白雲冒山頂流潤作深青平林如屯雲中有楓葉頰濕烟聚合散小雨時漂零公庭盡日閑停午聞雞聲還如在山間契此適野情老菊不作花秋蝶轉伶俜獨坐玩物變萬事與心冥遠懷韋蘇州覓句非為名興至一搗辭工拙子無櫻妍媸理不無要非心所營

憶昔陶元亮閒居愛重九秋菊雖滿園無錢得沽酒悵望平野中壺漿俄見讎開樽對來使舉盞屬層岫自古節士中高情復安有古人重出處一往不復又俯仰愧

前躅留滯成哀朽名玷金閨籍事落田夫後無地可扶
犁有鄉但回首黃花開已晚紅蕖猶可嗅閉戶無雜賓
獨理槽牀溜

夏衣著體輕曉氣蒸嵐濕清池湛城闌微風為磨拭今
朝乃重九萬木猶故碧芙蓉久退紅哀蒲尚森戟歲豐
農務閒林間聞組織天涯一杯酒勝日同此席論交直
嗅味不必須舊識高談璨齒白謔浪發頰赤向會喜今
逢追思多古惜千年龍山盛坐客看落筆平生跌宕意

尋勝窮履屐領會苟在心傍人笑脫幘故為牛山會遽
作兒女泣古人欣佳名且用永今日百年如過鳥萬事
何損益唯思快雨來窻竹聽夜滴杯行莫暫停城烏歸
已急林壑暮氣生疎鍾耿明夕尚餘古今囊冥搜句新
得

斤竹嶺

朧朧曉月淡曷曷晨霜耿去馬沙去聲金平步過草池嶺
仰登上層雲俯降入深井回潭冷更清嶺樹踈逾整蹊

荒陳葉深山回微路永雪霰迷遠空嵐煙護絕境關門
僅可辨歸塗難具省設險得地形戎醜期遠屏寧辭滿
衣雪曛黑到絕頂石淺微溜喧獨覺空山靜形寂寢逾
熟山白夢方醒去路望更遙陟降怯深潭壻水碧于藍
何由放煙艇

夷陵

吳蜀相持地江山直險固昔聞焚夷陵今茲但遺堵山
遠欲連天江寬疑浸樹左顧渚定塗右眺襄陽路野迥
無居人荒村但豺虎依依念鄉井愴愴悲墳墓月淡江
風寒雲深楚山暮佇立小踟蹰蒼蒼

初夏

孟夏忽已至雨餘草木荒俯澗有驚泉仰林無遺芳山
中歲馬晚是日農始忙布穀鳴遠林田家競農桑故園
今何為默默心獨傷

防江

虜去田事始夜來春雨勻向時偶耕者十無三四人勞

力勿轉徙赦語如陽春

又

大漠與吳越天南天北頭不虞涉吾地飲馬長淮流飲
馬猶尚可莫使學操舟

欽定四庫全書

紫微集卷三

宋張嶠撰

五言古詩

題石井

精籃負東岑竒石護山麓
巖如車輪一鏡方黛蓄
沉不動容澹瀨立山木
日射翠氣浮遊鱗翻寸玉
泉邊羣石潤淨映僧房
綠廬阜勢相高魚龍爭
起伏竒章昔好此忽棄
不見錄青叢晚花明澗
草幽氣馥樹深春去

遠景至夏方煥此地風長清蕭蕭似秋肅南來眇萬里
雲嶠幾經目安知絕世境在此近山腹超遙輕前遊慷
慨謝雙足向非來遠客所見信踟趣寧非造物意設此
慰羈束入世足埃氛山林有高躅何當襍被來共此巖
下宿

春晴散步庭下

東風吹廣澤和氣日夜旋微瀾生曲沼積翠被層巒細
草藹近甸時禽響郊園整巾步庭下申舒委餘暄萬物
各有時而余復何言焦穀忘牙事深居寄考槃結友乏
二中徵心廷七還聊持瞬息念一完空有源狂鬧等瓶
中何須計悲懽

柴門晚步

柴門一延佇暮色集四山雨歇林靄變歲陰嵐氣寒峯
高看月上巢昏遲鳥還遊眺暫自適裴回反長歎幽思
招隱作愴恨南澗篇羈懷定誰識淒然獨掩關

遊下巖寺先是劉寶學約於此相聚既而先進

舟逐失勝業

時危適遠縣卧疴菽疎蓬浮舟難計程一聽水與風今
日出江口劃見天邊岑維舟邀勝士杖策凌穹崇絕壁
迤崩陔可驗秋濤雄鑿崖佛像古憑虛樓殿工泐泐
外江落落堦前松澗響雨滂漚雲生樹玲瓏攬勝欣遠
游撫身轉蓬憂樂未相償林霏生晚容却縱中流棹回
望青蓮宮秋晚山蕭寂雲散煙空濛舟行轉沙尾微聞
林外鐘惜哉李膺船去若孤征鴻晨暮一相失雲嶠何
年同若縱金門步永遺塵外蹤

過覃氏水南別墅詩

銷憂苟自誣策杖來幽墅浮舟絕碧水躡履遵遠步置酒
危碕亭開襟面孤嶼川淺不興波春陰易成暮雜花開
照牖細草生侵路虛檻滿夕嵐空堦連水霧物變知節
暄地僻嗟所寓干戈莽未定勝集何能屢觴咏答佳游
更籌促歸馭一水限山城風煙眇回顧

避賊

避賊入深谷乘浮復悠悠四顧江上山羣峯如薺稠是
時雪霜霽林壑氛霧收茂樹陰石壁澄潭深不流蓀蕩
擁荒崗衝飈忽颼颼山水深更佳溪喧鳥啼幽平昔慕
尋勝所見良未傳舉世逢禍樞我獨成茲遊暫賞興復
闌自調寬百憂捨掉陟絕巖林光與雲浮却覩來時江
碧線縈長洲一室苟自處兩飯無餘求彼蒼未厭亂生
民何時休傳聞敵入營近在瀕漢州尚恐復飄轉詎敢
辭淹留已與農父言備耕事田疇耘耔井臼蠶績充
衣裘尚享黃髮期庶幾諧首邱

晚遊新亭

秋至今幾日山雲峯尚竒新亭獨騁望詠我秋懷詩碧
水縈麓轉幽蟬映葉悲古籐依翠壁茂樹鏡清池賞會
情方適夏來忽自滋荒山迓死地落日故園思遇亂甘
身弃持心與世違應入時懶語兀坐獨措頤沉思山烟
暝微吟暮影移祗應從此去寂寞但如斯

寄題趙丞相獨往亭

留侯佐漢日結志已離羣唐樂閑退年陟險勤邦君區
中豈所暮物外良作論上宰曩僑寓新亭初目存緬懷
杖策時風衣自翻翻竹密徑迷遠孤遊遺世紛憇松翫
碧草臨流睇歸雲山晚落花積溪深啼鳥喧攬物覺意
適依風嗟世屯雖安吳越勝詎忘河洛尊畢輔中興業
終回西北轅危蹕歸廟社角中反邱樊遊矚河華郊徃
來鄆社村規摹王祭宅彷彿辟疆園斯亭回首地應為
閭里言

玩所植松竹有作

往歲客閩嶺滿目皆黃茅而今居魏塘白水漫平臯舉
頭無所見惟聞風怒號我身如枯枿雨露自相遼又如
在寒谷終歲雪霜驕四顧萬物春悽然不自聊復思畢
竟空更使心陶陶釀酒嘗若薄種花嘗若彫酒乃亂性
具花為眩目妖弃置不復近樹竹延清颯况有手植松
雨夜能蕭蕭暝日存黃庭屏居非慕高所願侶松竹遲
以延松喬

何子應金華書院

平生子何子自贊如柳昨緣功名近悞落西南取借宅
備三徑讀書窮九丘身與蒼梧關心同湘水悠時為鮑
謝句自作商聲詎入戶山嶷嶷垂簷竹脩脩不携東山
妓居是東山流子長擅史冊傳家稱故侯矧君外王父
晚嘗陳帝猷君傳衣鉢久軒昂似箭修勿以一跌故便
欲榮菟裘解手舊年永寄書新歲稠君其自貴珍過歸
侍疑旒

題營山法幢院

天晴白雲高喬木蔭初暑久客倦紅塵愛此崖寺古時
危僧飯少日晏無鐘鼓下馬憇幽軒光風轉林莽新竹
雨來香餘花夏方吐避地適三巴精藍暫延佇回憶鹿
門遊滢滢涕如雨

久雨

秋末結層陰風雨連歲暮寒空暗霏微曠野流雲霧居
人蔽蓬茅行子悲道路紛紛天地間劇易隨所務獨有

掩關人存真唯內顧

春夜雨

小雨集春夜憶居江漢時西園桃李樹到曉有餘姿載
酒繞阡陌折芳恣遨嬉里閭多樂事中年遭亂離飄零
向十載南來復再暮故園當日春相見天一涯他鄉花
自發山寺日初逢時節豈云異身世自堪悲

次韻王倅大梵寺山亭夜雨

溪山含變態可翫不可說西嶺澹斜暉前山明積雪潭
空游鱗出景晏飛鳥絕遠嶼上孤烟平沙散踈樾天涯
一尊酒草草亭上設觴詠寄高爽對此清夜月但使息
營營寧論醉兀兀寓興合一篇亡書謝三篋

自順陽至均房道五首用陳符寶去非韻

行客路正遠曦馭已西馳霜風吹草樹眇眇連荒陂如
何羈旅懷更值搖落時四序歎已晚我生可無衰尚紆
俗吏袍久負南山期吾廬豈固好此身自安之胡為終
歲別使我心怕悲故園松菊荒歸計勿差池

桑柘共平陸過橋野色分冬序日向深冒山多薄雲驚
颼入長林黃葉久紛紛山前有人家雞犬時一聞

我行均陽道岡阜如羣駝澗石既齒齒寒山亦峩峩喬
林木葉盡仰見鶴鶴窠風景固不殊舉目異山河我生
雖尚壯百慮紛已多祗今且如此後日當奈何細較平
生中憂樂恒相摩悲吟誰復聽日暮越前坡

行客日暮時愁聞蕭條風雲山當我前造與清興同夕
澗生白煙蒸空有溟濛林聲豈不佳陟降煩奴僮徑則

有黃花淒踈隱珍叢我欲採落英恨無聖賢中裴回戀
幽意欲住興來窮山深月正黑投驛尚怱怱

蓐食帶殘月驅僕事西奔煙塵猶未息去住敢輕論道
古留餘險溪寒減漲痕鳴榔聞遠驛吠犬應前村境絕

增詩興山深畏客覘吾生久已定漂轉任乾坤

秋日訪野人

忽忽倦幽獨試尋居士室循籬野蔓懸開戶鄰雞去小
水已清冷前山政岑鬱禾黍滿平川高低動殘日

過平陵漢蘇建所封
 寒食光輝薄古原
 多夕陰行經平陵道
 感慨一何深
 將軍昔封此漢史傳至今
 山川宛如舊事跡嗟已沉
 聚落有人烟故國無喬林
 尚想英雄氣千古猶森森
 邊塵久未定干戈日相尋
 興懷幾內慟何必鼓鼙音

上分水嶺

夜半風撼山苦雨歇初曉
 高峯吹成水草樹葉盡
 緜行行入雲中稍稍臨未杪
 恍疑天宇近漸覺溪溜小
 挺身陵絕頂曼與人代杳
 篁竹互蒙籠罔巒亘縈繞
 乃知七閩境如此平地少
 攻擊固其然割據亦可考
 始悟淮南書鋪陳苦未了
 石顧遠中原前瞻臨嶺嶠
 烏邊馬猶亂華淮濱尚雲擾
 故鄉豈不懷甘心混蠻獠
 九夷僮可歸吾願從高鳥

蠟梅

朔風吹同雲萬木不敢芳
 黃衣何許仙窈窕來離房
 終期賞心會未恨冰雪鄉
 向來脂粉流睨睥誰敢當
 宜於

風露晨置在清淨箱更招能賦客苾芻詠竒香楚入意
已疎亡聞為操章

山中雪後頗有春意

山明雪猶積林白梅已綻凍泉時斷續晴雪既流爛山
空樵者歸樹響遊蜂散愁同平子多游比相如倦晞髮
近陽阿長歌何時旦

癸亥生日前一日讀神仙李清傳作

孟夏倏已晚詰旦及懸弧推遷驚歲序俯仰念勞劬感

物嘆漂泊撫已既叨喻去事日已遙來者言足圖澹漠

遠世紛超遙觀道書伊昔有勝士染工穢市區感悟及

生朝欲訪仙入問自縋投絕壑果諧欣願初塵念雖少

牽脫屣終不渝一死會當有貴賤理必俱萬事惟一捨

此外無復餘李君本市人而予豈非夫躡屐千仞崗振

策萬里塗整榻即弱水款闕必清都千載復來歸陵谷

知為如

將請鄉即作

本初休車竒陶令歸田園憧憧天壤間何人無一屢惟
我若斷梗漂流溯江邊牽絲始立歲屏處知命年虛恬
因勢使憔悴仍化遷愧無楊僕功居不外漢關人非穉
季俠徒使墻垣穿欲收衰病身迺遷還故山風波渺萬
里欲去無由緣願竊刺史符一臨江漢塢敢同畫繡歸
僅比遼鶴翻送老得三徑奉親歸九原如斯志願畢天
恩真滿泉所祈造物心俯徇人欲偏決策在今歲無令
辜願言

上二溪山

積雨連日夜敢謂今旦晴綠彩泛林端愛此朝景明晨
炊蕭徒馭結束方上征千巖屹穹陰萬壑臨淨嶸誰知
有微遙在此蒼翠屏昔聞五尺道

見西南夷傳

馳心已伶俜

今朝復何朝冒此絕險行側路不容足下瞰千仞阮步
武一蹉跌隕身如建瓴避地本愛死茲行豈偷生籃輿
仗僮人崎嶇信所經下為崖石礙上苦蘿蔓攖陰巖多
沮洳泥苔汰相仍薄暮雨欲來白雲起如蒸稍觀前山

暗已復如懸絕行行入中林心憐萬鼓鳴三泉如雪翻
競瀉石上聲值此絕世景避賊難為情路轉復臨川濁
流方滿盈波神恣桀驁勢欲立壑平雄張擁行潦河瀆
將抗衡我方媚斯水敢誇海若名叫度兩踰急山煙深
杳冥捨棹即絕壁扶持陟陵層經行細石墜十步九戰
兢羊腸與三塗其險莫與京叱馭匪前哲但覺微命輕
頃臯至田家茅茨耿清燈篝火燎衣濕坐使愁慮并夜
雨喧宣耳鬪夢何由成平明起長望重陰竟四溟嘉禾
垂瓏病惡木連山榮兵荒兼歲惡吁嗟此黎氓泥水方
自蔽出門諒何能窮居未覺苦籬外長岑青

上堵平山

層陰生萬里歲晚嵐霧昏終日轉盤道那知入寒雲忽
上最高頂劃見衆山繁嗟哉揮蒼昊迫窄塞厚坤俯仰
混一氣眇聽屬無根直欲遡豐隆逝將排常閤小臣敢
上訴邊塵暗中原天寧忍下土厭此豺虎羣庶幾動真
宰一洗戎馬氛此意復茫昧側佇傷精魂

劉谷山

奉令事設險茲山再經歷歲暮陰雲昏雪後杉桂碧修
篁亞路低老木參天直下瞰穹谷中衆樹紛若戟或為
龍蛇鬪或作熊虎躑陰崖不受春冬帶輪囷色古苔如
綠毛因依露猶滴陰風忽動容衆籟久方寂儻非神物
居定有龍蛇宅山陰魏家平百丈時絕壁戰樓磨雲霄
武帳侵斗極鉤授諒無庸梯衝當弁擲雖無墨翟守天
險豈所敵攬勝心以愉經險情屢惕撫事既靡愆微驅
歎息

野竹

野竹何脩脩森然滿山麓清溪漱蒼根夜雨滋寒玉幹
密風豈搖林深鳥應宿蒼山黃黃中見此歎驚目經行
一回首何用慰羈束

穗粟

世亂之祿仕居間食苦貧買田上庸山稍依農畝鄰歲

入無幾何誅求方存臻老農幸導我播植當自勤晨起
具餼糧伐木西澗濱畲田去歲秋穡粟今年春肥硯半
百畝良苗生已勻監督課子弟耘耔煩隸人所望在一
飽詎敢悲苦辛及此歲將晏場功躬自親所得未償費
相顧但深顰歸去且讀書愧茲百年身

將池僧舍東軒晚起

茲軒陷絕頂遠與前山平睡起月初上冷冷曉風清暗
嶺躍飛雷白雲出踈星四顧莽不辨惟聞候虫鳴居人
正酣寢我已事晨征思婦閨中意游子天外情策羸取
微經羈夢何由成

種竹

屏居倦幽獨出門無所適種竹滿前庭坐玩凌寒色森
森密陰淨踈踈條幹直晴日借景光霜風時蕩析自我
來此居三見歲華易小孫漸成童長揚憶初植雜花亦
紛然似欲娛閒寂世慮久已忘况乃頭半白舊鄉喪亂
後城郭滿荆棘藉使能北歸亦不異作客獨懷首丘念

未易忘日夕讀書計誠謬習靜理何益萬事爲過空何處留遺跡世故漫酬酢迢迢混今昔

庚申寒食湖上作

今朝寒食節撥撒揮涕餘何心事游行誰使膏我車出門悟春遠練遍萬里塗陰林雜花稀巨樹新葉敷春風慰遊客蕩漾回衣裾舉杯復置杯岸幘唯平湖豈無坐上客不見朱與徐

四月且大雨晝夜不止者兩日微水一夕暴漲

山木綠陰暗駭雲當晝繁驚風乍掩冉積雨連荒村映岫若銀竹瀉澗如翻盆懸雷逐及旦暗空還至昏長州怒方蓄濁浪正崩奔雙見沒岸草已復侵山焚衝波激遠嶼聚沫旋林根劈箭搖定日殷雷驚客魂俄吞衆瀨沒澆滸成齋齋波神信雄桀灑漾方無垠儻不完其源豈辯河瀆尊朝盈暮已竭雙滿安足論明旦立沙尾若帶青泫泫

七月初四日小雨後遊步水邊

雨止林葉淨遊步喜川平停午衆陰寂山高一蟬鳴境
靜道心熟世疎塵慮輕涼颺颺已至自適羲皇情

和張簿韻

平昔志升車年來但芒屨前旬返城邑霄旦未踰數及
茲復入山始覺離亂苦行行望遠峰山村猶幾許風清
初戒寒雲垂欲收雨羸馬尚嘶林吾行已遵渚茂樹曩
堪攀澄潭今可俯秋意滿山川微煙澹村塢經過竹籬
側倦極欣一語三鍾應昔志一室固堪處去留非本心
偶地因為主野岸盡茅茨山田多瘠鹵菽粟工療飢薯
蕓行堪煮一水可乘流從公公莫禦

雪中泛漢水觀捕魚

既遊天漢地復泛清漢流我本襄漢人對酒集百憂是
時雲氣昏雪片迷汀洲沉沉百丈潭坐着漁子游重裘
憫渾脫得雋憐深投舞空清渚迥遍積修篁幽山川疑
舊里歌舞迷新遊薄暮理歸棹中流任夷猶忽驚在鄉
社誰辨陰成樓欵知非舊邦沈瀾涕難收

感事

西山一丸葉終當持遺親奈何嗜利者藉口託愛君太
真絕袖去中興為名臣功業竟誰歸老姬終苦辛大恩
竟不報初無烏鵲仁
投身螭虺域寧免衆鬼欺黃昏風雨集所向道路迷一
鬼在前嘯羣鬼爭和之從以衆妖烏紛披鳴樹枝訓狐
當傍叫破鏡隨後啼斯須哭土梟次第噪狐狸睚眦恣
陵傲蹠蹠爭新奇變態逐石出聲然當此時胡為乃歷
茲側佇成睇貽其始為股栗慘悽粟生肌懼以柔脆軀
遂為衆鬼糜其中稍自定注視但嗟咨其中乃釋然堅
坐翻愉怡鬼見不為動技窮將罷歸人命固有當此物
終何為遲留待明發請與衆鬼辭

春晚風雨甚暴衙門獨立望微水有作

中原殊未平避地甘羈束著意混樵漁尚恐驚麋鹿出
門亦何事望望清江曲雨氣晚來寒驚風亂新綠

方城驛

古驛藏幽谷回還亂峯稠驛前山特秀翠氣光浮浮晴
 日經短簷竒溫鷺漱裘門前萬山道過客空悠悠憶昔
 廬戡黎伐庸此淹留山中老鶴鶴應識旌旆愁事去一
 轉首巖花幾經秋石磴與礧道猶是曩者否祇應軍旅
 聲長咽寒溪流

欽定四庫全書

紫微集卷四

五言古詩

遊靈巖寺

吳王避暑地西施採香路陵谷偶未移山川尚如故遺
 宮俱泯滅輪奐乃僧戶梵放想遺轉考槃疑篋簏繁華
 隨化遷歟若高鳥度憂勤及豫怠興陰與傾仆何異貉
 一邱同歸易晞露平湖際遠海環山莽回互澗草足芳

宋

張喲撰

菲山泉多沮洳昔人經行處賞會今已屢來者復為誰
將亦遵往步新故更遞代一往復何故日暮鐘磬閑聊
將澹吾慮

南澗亭詩並序

舟如上強步松路四里有山突然當前其陽無住
居士之所葬也其陰仙人劉綱之所棲隱也東南不十
舉武入竹徑蒙籠深翳竹盡得亭下臨崖谷始復高
爽羣山林立其傍山深氣溫竹樹正碧間以丹葉可

玩初冬風日淒厲詠柳子厚南澗詩頗與之合因以
名其亭亭東數步抵山足復為小亭水鳴篁竹間如
弄琴筑名曰鳴筑雖境皆甚美然過時坐久使人神
意悄愴非天資靜素不徇世紛者未易居也陳本之

曰願得記而賦之余曰諾哉紹興甲子十月初七日
行穿密竹盡勝槩集斯亭地遠嵐光重冬溫草木青俯
鑿含空水還觀山作屏巖溜有時歇松聲無甃停遐思
南澗作彷彿識儀刑世緣因歲閱靜習與心冥離人慕

肥遯駐屐戀巖扃不似投荒柳悲吟涕淚零

入峽

天秋萬象靜雲橫亂峯起已下微王山入峽自茲始驚
湍於此盡安流澹如砥兩山鬱嵯峩壁立相對峙上凌
空崇外下挿淥淨底層巖碧樹滋洄潭丹葉委舟行石
罅中江流瓮城裏舉頭天若帶愴此清瀾瀾忽驚龕巖
大奔浪喧客耳魚陀考方言歲出魚萬尾水邊菖蒲青
石上土花紫淙流來不絕無由訪源委俄經陳佗洞斬
絕不容趾土人若猿猴躋攀因葛藟燃火入其中數丈
神披靡覩茲泉壑迫始覺化工偉投身西南陬肆意閱
奇詭是邦不生入境勝乃如此寧非造物初意盡向山
水神驚畏石墜志豁欣樹美窮探日易晚惜去船欲艤
徐聞湧波濤漸見山巖竒觀忽驚過我興方未已賴
此慰羈愁無庸傷轉徙

過楊村溪

玻瓈兩山間滄波旦夕驚高柳橫澄流歲久根全露細

雨川上來瀾漪滿
泂沂灌木生
退灘危橋架
孤嶼石瀨
斷春冰
山雲粉輕絮
往歲憶經過
物色如雅素
陽春日
已遠嘆息流
年度來軌不
斲亭往躅自
成故初為閩
嶺
遊後指江東
去風急子規
啼何由傍歸
路

春晝睡起偶書

二首

忽忽掩閤卧
起來春日曛
和風吹草未
雜花紛已繁
他鄉農事興
悽然懷故園
青山雖滿眼
何用慰憂煩

閉戶長春草
日晏獨高眠
起步遠廣庭
愛此風景妍
青山羅郭外
白日當中天
坐見柳意濃
亦知花向殘
鷄鳴水外村
人耕原上田
玩物意方適
居閑情轉延
忽悟是作客
驟使心怡然

五月二十四日自達州至永睦縣投宿廢學即

事書懷

學廢鄉校空
烏雀欲據有
甚雨晚來晴
循簷厭黃口
已水亦能大
一暮沒堤柳
落照滿漲川
歸雲翼山岫
達州去未遠
望望空回首
母老兒未壯
何苦事西走
輕生冒

畏塗用意在升斗三復禱雨辭此道廢已久恭聞賢侍
 即求才如恐後密置鄭莊驛屢接駿莢手英俊頗雲集
 巖穴猶輻湊管蒯且不遺豈獨弃枯朽矧嘗辱英盼屢
 以温言授私心頗感激嘗欲事奔走音奏攬衣中夜起顛
 面不盡垢平生慕蘭心已在轅門右某也獲洛入時命
 大不偶讀書慕經濟頗亦略句讀雅意死知己且復羞
 自售耻為轅下駒終若喪家狗遭亂乏祿食避地闕田
 畝栖栖窮塗間但未操井臼我公寧忍茲無令混樵叟

去年十一月十二日致宏如秦州僕餞之餘口
 復到生口作別明年六月十二日僕自竹山避
 地沂流上餘口道由生口復經分手之地感時
 書事奉寄致宏時建炎四年也

憶昔游河梁對床三夜雨平生慷慨心遠別顏亦苦朔
 風黃葉深尚記驅車去君行已映林我首猶屢顧重輕
 分手地物色宛如許懷人感河山撫節驚寒暑別來世
 事多瑣細不足數惟有綠林徒跳梁猶若故漢南十二

州一半為盜據向之西來師猛鷲類熊虎從以萬馬羣
旌旃蔽村塢惟知口打賊未辦狸搏鼠徵求徒浚民萬
分一無補空令貧者斃復使富室窶去年粟如金艱食
古未覩今春瀕涇州秋種不入土如何十萬師不辦一
朝貯傳聞許汝却玷裘盡醜虜秋高馬首南陸足仰誰
禦棲山無定居處邑復多惧無資夏殍陪有粟畏攘取
懷安昔所戒隨象謀遠舉第恐向他州未保終安堵悠
悠四海間託身定何所憂來如鼎焦意亂若焚縷君家
聚族多巢幙多風雨胡為事遠遊迨歸莫容與

過大包閣寄夏漕致宏

積雪天欲晴山深霧猶擁大包誰締結架壑一何聳崖
傾石路仄峽東驚波湧垂堂尚何言顛墜虞接踵經過
固已殆卻顧神屢悚前山淨如洗浩浩雲根動崖花作
蜜香山童似猴拱舊鄉迷遠近所歷但如夢窮通久已
忘况此髮種種猶欣故入近寬我懼將恐語亂眉定顰
道舊腹應捧燈前侍見出花外寒煙重爵懷醉裏寬離

念風前恫游宦愧吹竽劇談猶賈勇觀君富教華顧我
成闌茸行臺定匪賒失喜欲踟躕

南山觀梅

春雪欲垂地春水澌紋浮亂山無人到梅花供客愁輕
風側烏帽韶序欺白頭攀條記舊賞嗅藥悲前遊斜日
忽反照輕華風際流已難繁華盛俄觀青蔭稠沉吟兩
京路惻悵瀕漢州尚想萬玉妃清樽交獻酬天涯歎焦
悴覽物空夷猶飲罷不能賦臨風三歎休

晨起登寺閣前山為霧覆微露山麓宛如平遠

偶書春物

日出霧猶重微茫認山麓遠目疑可窮潭漫如夷陸韶
序日已深時禽轉幽谷青林不受春景氣潤脩竹日晴
烟光亂風澹水容淥閩嶺農事初荒泉被山曲來耜沒
深泥鳧鴨誰相逐躬耕記往年遭亂成羈束故園隔山
河桑石猶在目邱壠諒荒蕪春歸惟灌木因拘愴茲晨
儻祥悲前躅緣情固攀援理會何枉楛且寄終日閑玩

此春苗緣

盧陵曾氏臨江作亭以舍過客因同舍來求詩
亂後足漂零所至倦遷客那知此江上飛亭跨石客
來贛山青客去贛水寂徙倚亭上人悠悠往來陌

月下觀海棠

澄空流華月列炬林梢綴象焰燦明霞紅燠花似醉流
連陶嘉月共惜春風駛預歎他日來餘紅紛滿地

贈別

艾杼滅澆殪方召平夷蠻夏書紀少康小雅詠周宣茂
烈蓋當代休聲垂億年君臣今望之猶若神入然皇天
昔降亂國步多艱辛海宇政搖蕩封疆託大臣召旻歌
卒章三復徒愴神寇攘有厚賞山林多賤貧小夫矜寵
秩持以傲寒士達人每大觀詎肯屈其志從人畏損名
不從斯逆耳翫驥每不容委隨多狗死孔明佐元德君
臣稱魚水田祖輔本初復諫昧良圖蜀成焉足勢卧龍
名益都表表官渡師二臣隨見屠女蘿依青松蕨蔓相

綿延歲暮饒雪霜枝幹猶縈纏蔓草生毀垣逢時亦芊
 芊積雨毀垣墜茗穎亦以乾婉婉我良友才具宜佐時
 果敢無與前議論有餘資功名可立致要當慎其為吳
 橘北化橙良玉貴不緇行矣保令圖懷哉絲路悲

再經蒲溪往年避地處

淹流既失策賊至甘遠屏往歲憶曾遊迢路猶可省今
 來冬向除昔至夏方永山寒竹樹疎歲陰雲霧冷破屋
 今已無荒筠蔓枯穎昔入安在哉經過涕垂頷

窮陰忽霽獨往山下看梅

千峯雪猶積萬木春已迴窮陰倦霸束忽心陽景開徐
 步出衡門中野展幽懷杖策遂侵尋獨下前山隈驚湍
 激遠颺踈篁耿寒梅婆娑時動容似與客徘徊歲晏益
 多感况斯韶景確暫嘗豈所懽離念方催頽還觀增愴
 惻三歎為誰來

鳴筑亭

碕岸互縈斜因依受筠綠雖疑境過清未必傷幽獨偶

坐松下石泉聲作琴筑

贈趙端

殘方歲已晏層陰萬里生何如苦寒際子有閔陝行風
煙正浩蕩夜雨吹成冰時危壯士志日暮游客情感子
情別意令我肝膽傾告之以盡言念子遠徂征聊代統
朝策勉旃圖令名

贈陳符寶去非

大雅久不作此風日蕭條紛紛世上見啁啾亂鳴蜩唯

公妙句法字字陵風騷如鼓清廟絃聽者無淫滔癯瘦
藏具美和平蓄餘豪思若理自寄志深言益高顧我吟
風苦知公心力勞世無杜陵老誰知何水曹柳常儻可
作論詩應定交

贈元方叔

吾叔超世士筆力回狂瀾作詩到何處未謝春草篇罷
官守環堵冷屋風蕭然操尚非矯世靜退真所安慷慨
引濁醪俛默窺塵編冥搜得新語自喜欲忘年常言畢

金定四庫全書
卷四
婚嫁歸老漢水邊此意有真趣勿為兒輩言

與孫太冲游湖上寺

作客歲月久新春生白鬚淹留竟何為閉戶猶繙書今
朝天氣佳逍遙步城隅初旭野尚晦青草含露濡好風
如有期微漪滿平湖白日照原野青山開畫圖晴林風
外稠瓌塔煙中孤山坳見修竹游步得僧居地偏蘭茝
芳氣暖天桃舒何年深宮姬豪華依浮圖一往隨化遷
豈復平陽車顧之三歎息不飲定何如

醒心泉

幽泉清見石停停映山樹風定絕漪瀾雨餘多阻洳適
諧塵外心時來澹吾慮靈竇幾年開何由訊源委泉上
木陰稠交柯存清泚憶昔遊香山蒙泉政如此

溪水

溪水東流去何時合大江豈無雙鯉魚附書還故鄉不
憂溪水逢所恨壠坂長臨流一嘆息四顧山蒼蒼

渡溪水

清溪寒不流空明涵萬象連山倒景來顧盼迷俯仰雲
浮潭底深鳥度鏡中往悠悠寒藻踈一一游魚上危橋
颭長碕行客情屢愴溪傍萬竿竹矗矗倚崖嶂蒼根帶
古色落葉墮深廣陰森暗藩籬蕭緘掃空曠無人結茅
茨有客契心賞物外識遠情天邊知旅况野店猶遠煙
僕夫力難強何以紓我懷浩歌聊自放

勸農

奉詔勵農耦建旗行近郊流雲生薄陰遠色澹平皋溪
喧逾散渙山遠始宕堯柔莠展翠首穹石架長橋雙休
佳士廬竹樹干雲霄步障疑圍飾雜花競嫵妖粒而羞
短垣兒童驚鼓饒皇恩信廣大祇事因遊遨競識使君
車夫婦雜顛毛竟夕不知因偃月生林梢已舉侯高大
猶滯川上梳撫已愧民氓歸思戒此膏

沐浴

今日一沐浴廢茲閒編切讀書豈常勤鞭策常自攻繫
予髮種種力此將何庸不如掩卷坐前山翠濛濛

駕馬固多肉元鶴原骨輕以彼棧豆意方此雲霄情汨
汨世紛遠蕭蕭中慮盈將尋包道士一問昇天行

暑雨遂如春秋

炎蒸成積雨異候無寒暑睡覺無餘聲清燈翳復吐長
年遭喪亂萬事其誰語愒日閱流年茫然志去取諒無
經世心還山藝禾黍

登真觀在利州嘉川縣西五里南臨宋江相傳

云張天師棲真之地至今有遺履池縣下二十

餘里江心有積石土人謂天師殞鬼堆石上有

紋隱起類篆籀土人謂天師符觀中多大栢連

抱皆數百年物也又有鐵鑄老君二其一已損

六月初五日少息觀中聞其事于小童與石刻

頗驗云

天師羽化久殊館臨官道繫馬松門深風清亂蟬噪開
基今幾時庭樹皆連抱有池號遺履無地尋丹竈金像

獨儼然詎識何人造學仙
匪無事訪古乃其好物色
聊默存他年憶曾到

贈黃子真

再來居携李又在故人車
故人固是客我居其吾廬
共在天之涯猶如水之鳧
細話漢傍事想見江紆餘
死者不可作生者多離居
無輕今日別與手皆白鬢
臨分尚何言早寄江陰書

齋祠湖上作

還山映平湖未厭傷極目
藍輿值初晴步步轉湖曲
宿霧鬱喬林寒曦煦穿谷
廢刹今幾時浮圖在山腹
村荒樵牧多歲晚稷稻熟
曲岸倒菰蒲回潭聚鳧鷖
前瞻嵐嶺分右頽綠原綠
遊眺蹙蕭疎沉吟反羈束
齋祠奉簡書尸素慙微祿
日暮間幽禽睠此林下宿

四月十一日遊湖上作

餘花送春暮群綠迎夏初
清晨出郡郭溪小舍雨濡宿
靄昏近麓初陽灑平湖空
明映山樹澹淡浮青蕪
亭亭

天際峯微茫如有無縱櫂水波闊叩舷幽意抒白鳥若
娛人盡日鳴菰蒲奉酒一相囑岸中清嘯餘佳游雖浩
蕩離念終鬱紆寄與北來客賞心良自誣

山中紅葉

青女銜微巧染絳妬春工如何青林表忽有萬炬紅渾
疑在絕塞斥堠傳夕烽爛爛燦晚日燁燁含天風錦繡
滿山谷佳興浩無窮全勝在蕭寺吟翫廣庭中

沂流入微王峽

又上微王峽山寒含翠霧青壁盡侵雲鱗鱗多碧樹山
深石狀古地僻禽散怒竟日不逢人茫茫水空注

與趙智叔議弟泛舟回燈下

西風金日寒細雨濕青嶂微江水涑波大石牽舟上岸
菊猶未芳山木先後黃滿灘圓石淨兩岸鳴寒蟹回舟
暮色集颼颼雨聲急愛此雲林幽未信衣巾濕初為山
水遊藉以驅離憂及此賞心盡翻茲羈客愁來歸向蓬
茅樹黑風蕭蕭背壁青燈暗山空夜寂寥

晨起

盥擲及平旦曉庭風露清蕭然無一事對此夏陰成春
晚方受謝孤花有餘榮地遠物性遂時禽自飛鳴書籍
但掩卷冲虛道已盈非為隱淪客自快適野情

早行

平湖望不極天垂作迤遭今朝春風暴漣漪生微濤高
揚明遠村黃花點青臯可驗去人遠烏鳶依作巢老年
無戲事即此當游遨浮舟不知遠但覺白日高煙中何

處寺孤塔冠山椒

中秋四十一弟歸自豫章

老病罷搜句空對秋月明寂寥天宇迥慘慄夜氣清松
門委餘照蕭散此閑行歸來坐庭除濁酒聊自傾但喜
親愛會豈謂賞心弃回思故園夜惻愴獨絨情

野鶴本長生

秋雲無定意託迹雖世間游心乃塵外請問絳人年曾
觀栢寝器微言洞倚伏妙中驚人世徃夏識方瞳今春

分別袂飛帆煙雨外駐錫雲林際逸興輕遠游滯念牽
離思後夜聽鐘鳴應在寒山寺

喜晴

陽春今已歸孟夏饒草莽積雨樹陰成新晴渚蒲長前
山澗水喧隔竹黃鸝響一徑度喬林湏流會心賞野靜
澗無人蕭條成獨往

題行

南州困暑蔽映資簷簾簾捲午陰靜窓開夕氣涼徑

幽憐筍蜜庭空喜幹長相期待歲晏持以凌繁霜

六月初七日雨小止遊蒲溪臨獨木橋而還

石岩兩相束竹樹交柯綠因聽林外聲遂來幽澗曲濕
煙深不散淺瀨漂寒玉木杪見雲生前峰聊注目

林鴉詩

長揪弄朝日吳宮聞夜啼晨集主人屋暮宿上林枝如
何失儔侶獨向空林飛

西溪

西溪泱泱來佇立溪橋上回風生微瀾夜雨發幽響聽
茲無盡聲詎覺年華往

晚登靈梵寺閣

晨氣霧露除初日照高閣青山偪歲昏碧樹霜餘落俯
澗愛鳴泉臨却美華薄幽情款自欣鄉念頻成愕且寄
當日閑無論今與昨

晨登高望閣愛此經簷日稍觀宿霧捲坐見前山出望
岫喜林疎聞泉令竹密與世若相忘懷人如有失聊此

寄晨昏漸無經世術

雨

冥冥雲出溪浩浩風薄木濕煙驅不散映岫森雨足場
功既云畢麥隴望已綠矧予無一事屏處謝追逐霜空
晴固佳雨暗亦所欲悠悠老大心萬事付所屬獨敢私
言潤活盡新栽竹

題景温筠居

西遊安康道野竹晚森森疎籬隱茅茨置屋何幽深卜

鄰嗟未辨長夢秋風林如何嘉公子得此蕭寺陰作軒
 面蒼根坐卧當幽尋夜雨老苔色微風助哀音軒前置
 綠蟻軒後陳素琴我料之子意必無朝市心宜邀能賦
 客為擬效古今折簡索我詩高詠慚南金

此詩六弟和靖故居

頽垣已蕪漫入事日蕭寂賴近青蓮宮殘僧識遺跡傍
 連嵐嶺秀面對湖光溢惟應如此昨萬變非疇日悠悠
 夏已深故治荷初積振古盡如斯徒然悵今昔

雪晴

陽崖被積雪照水自光輝乘暖時時墮徧憐映日飛經
 行嗟境勝去去與心違居者詎知此日高猶掩扉

欽定四庫全書

紫微集卷五

宋張嶠撰

七言古詩

行建溪上是晚同宿小橋感懷書事

上庸亂石滿微水建平孤嶼橫中流驚濤穿隆旋雲繞
經過親見客流舟建溪物色兩相似使我惻貯悲西州
閩中窮臘春欲動陳菱已見新萌抽十尋嶺樹森翠葆
百尺瀑泉垂素虬已遭霜露感人意况復梅花欺客愁

沙村叫渡日色晚野店投宿林燈幽語言不通費辨數
 逆旅主人^敬才見留十年騎遍寰海北客走到天南取天
 高地迥豈不廣南來北去皆離憂傳聞敵騎又深入
 旃毳欲臨爪步洲吁嗟華夏半為鬼干戈喋血衝斗牛
 天公亦宜小解事號令一使災福瘳剷除撓槍殪句始
 彎弓一矢摧梳頭擢冠之筋洒冠血永使萬國無戈矛
 山清海晏氛祲息地闢天開宗社休黃屋却臨天北極
 紫壇復在郊南丘千官濟濟奉宸扆萬姓蠢蠢蒙皇猷
 六營健兒易驅使四海黎庶依田疇老天漸得反閭里
 汎掃墳墓栽松楸洗耳不聞兵革事畢命丘樊何怨尤
 願言祗恐未成遂作客蹉跎霜實秋

題均州超然亭

君不見見綿州官府誠磊落越王樓觀翔寥廓又不見昔
 日荊州分上將舉世獨傳王粲樓藁然土木何足數託
 名勝士真難休何年此地有新構楊公巧智人誰侔芟
 夷荒穢走狐鼠一朝翼瓦飛城頭軒窓四面檝木杪下

顧衆宇如敦丘卓然獨立世塵外高視物表心夷猶西
山列翠擁雲嶠漢水拽練榮寒流江楓染絳照林莽蘆
花吐雪連滄洲秋高盡放遠山出點綴天宇濃眉脩入
間何處有此景未識黃樓如此否楊公舉世稱賢侯好
客不減韓荊州仁風惠政已及物退公餘事歸觥籌我
來正值秋節晚勝槩一得從公遊敢辭山路困行役小
舸艤岸聊淹留劇談抵掌去苛禮賓幙主人交獻酬固
知如此興不淺大白豈惜為公浮却思賓散城烏集回
首新亭風柔愁聊攄累句寫清賞作賦能事遲曹劉

過屈平昭君故宅

夔州之山皆入雲夔女寢陋男不文山川歷歷應如舊
昭君屈子猶荒村三百篇後無繼者始作離騷紹風雅
君九重難叩闈欲登闈風聊蹀馬精裏寫盡君不聞
徒倚懷沙淚盈把漢家靡曼盈六宮明妃容與如春風
琵琶何能慰行路檻檻羶車隨去鴻椒蘭得得在修門
獨任先生作放臣妃嬪無數貯金屋抵遣王嬙犯塞塵

萬古江山虛秀氣二人賢色皆鍾美天之生此諒應難
一弃單于一沈水遠色蒼蒼難致極弔古徘徊淚霑臆
二宅遺基自古存巖天深秋日昏滄波渺渺流遺恨後
人誰為賡天問

閩中早春

愁見繁雲帖死仄驟喜春從天際回晴雲流爛滿峰起
潏灑陂塘泉脉來春歸欲驗將何許柳腰杏頰知春處
出門矯首望四郊滿目都無故園樹暖景猶疑是故園
紛紅糝白終蕭然黃茅不受春色染化工無地施妖妍
老夫此時三歎息晴靄暄風總輕擲綠岡繞澗試幽尋
好鳥一聲山桂碧却憶當年漢水邊花光柳色媚晴天
江頭醉罷日將落芊眠草色生長煙祇今春事知何有
傷心萬里空回首中原但有骨如麻杜曲應無花似酒
我今流落荒山隈秋蓬作鬢心推顏逢花坡恐被花惱
幸茲寂寞無狂媒閉門睡足高春後爐煙一炷消清晝

欲雪

欲雪未雪天模糊凍行沙尾鷓鴣呼北風刮耳立不住
更騎鈍馬穿枯蘆兩生憐我意不舒江頭三日占樁烏
高堂明朝置安輿買羊沽酒償勤劬

吳宮詞

新粧間花光口脂雜藻氣相對兩生春停杯自成醉高
歌白苧舞西施半夜雨來宮錦移明日重來歌舞地宮
水浮花繞宮樹

翟方進

相君事郎當少時見謂遲鈍遭謾欺一從蔡叟問所適
羈遊萬里來京師從馮老姥織屨賣學問聲名從此大
胡常初毀更見譽一日起昇登祿宰男兒立身要自勵
旬歲連摧兩司隸薛公視遇不敢輕果見登遷居相位徒
知得意快息讎峻文未肯持平例九卿先達故郡歸紅
陽貴倨猶奪氣忽聞當坐定陵事慙懼乞骸更見慰深
窮黨友圖自安十有九人同免官得君萬無不可解使
衆醜成妖嬾一朝天文示變異李尋奏記翩然至養牛

尊酒天上來萬歲之期何可避使人致命忽馳宏半道
尚書言物故十年寵貴一日空徒見縞衣蒙檻柱誰云
蓋棺事則已下流衆然何能止芋魁飯豆亦云足至今
鴻隙歌鴻鵠

仲冬冬至後

仲冬冬至後春從九地回去年逢春在此寺今年復向
此寺逢春來春去無復見花草但有東風刮地如驚雷
人生七十能幾時四度逢春祇在斯祠官不復更遞代

直若倉庾氏久任無年期大農賦祿隨官品豐儉由來
皆有分空儘天年在世間飢飽死生皆不問癯老非才
固應爾豪俊當年亦為此謂非貶謫實纍囚謂是歸田
猶祿仕憶惜漢唐與本朝咸有自新及起廢如今豈無
大青及溥天不在他時洒心例人生如寓年年老歲歲
彫零人漸少莫嫌四見魏唐春尚得逢春到華皓祠官
之設自何時聞是宰相之所為欲擯老成皆不用託於
優假創斯規當時弊政出一切豈謂瘡疣後世遺專寵

持權事雖巧榮華寧得時好君不見今陵零落故相家
一如寂寞韶陽廟

覺道司翫梅

雪盡徑泥乾團欒遶樹看玉梅呈素豔霜重月華寒一
萼半含春意密數苞未破臘脂粒斜枝倒浸碧池深羅
衣暗惹香風濕須知賈午最多情繡囊偷佩芳筵驚又
疑仙人下姑射玉容寂寞幽態清去年梅花開干戈猶
未掃今年梅花開勸君休草草待子規啼梅花滿地蝴

蝶飛

約人之舟

前旬小雨飛廉纖今旬夜雨聲漏簷高原草青花欲消
幽人意與春蕭條四山不復見桃李開到梨花春有幾
似聞城下野水生正好浮舟煙雨裏

崇山圖七賢詩

題輿意匠崇崖圖魯侯為賦溪隱詩長松短壑歷可數
坐使妙境移于斯地靈神秀天所秘豺嗥虺伏鬼莫窺

艾蓬扶翳快登覽若有異物陰相之嵌巖截壁臨漢潁
左拱右揖如追隨七峯遠峙攢劍直三溪旁繚榮帶垂
芳洲蘭杜飛白鷺滄浪漁艇牽釣絲煙霏露融水檻淨
一聲孤笛橫雲霓淑氣亭亭掃夕若昂精燦燦棲明祠
幽尋眼力覩大巧卜足得此林巒竒堂如連艦岸若玦
呀成空谷涯為池妙觀觀盡見覺性精隱隱德騰光輝
信美誰謂非雲土致爽自足和天倪鄧公之孫特不凡
渥洼繡鞮黃金羈胷中萬頃九雲夢江湖寬曠真以期

中谷入峽詩并序

建炎三年八月初一日自白合口泛舟順流歸竹山

是日午過蒲溪中流望微王山嶄然出雲氣外舟行
踰十里江勢百折而茲山常在岸傍行未幾山益峻
水益匯草樹夔鬱舟入白將入岷矣謂在人無諱或
有老獼猴從山頂墮飛石也峽口兩山皆自水中拔
起數百仞壁立如削巖石竒詭無圭撮土諦觀初若
一山類有物中斷之令水流其間者兩山之間相去

不十丈自始入至出澗匯若一如有意而為之者樹
從山石上生色紺綠異於凡事有絳葉飛墮澗潭中
恍然非塵世有也船少轉水劫齒山足且數丈從石
下過舟有龕若十數楹屋水洶洶出龕壁後土人名
曰魚陀云每一歲三二月有魚數萬觔自陀中出不
知其潛通何許也魚陀不下數舉權有洞在山腹去
水面數十丈斬絕不可至土人攬蔓而上持火入洞
中行三丈餘不敢復前意其有神仙或蛟龍居之惜
舟過時日已晚不得一窺洞口也俄而山漸抵水增濶
波濤復湧汨於亂石間湏臾已出峽矣大抵自穰谷
口而上至微水發原處土人均謂之峽江而自上而
下者過微王山下長灘為入峽自下而上者過穰谷
上九澗洞為入峽峽江大抵多湍瀨客過而覆舟者
十二三而峽中獨無有水安流若鏡萬象墮水中毫
髮可了仰視天正碧如足練掛峯頂間是時秋已中
山間高爽如平地重陽時微陽被巖岫象形鮮潔秋

蟬噉噉鳴樹間使人但有遥舉意但恨茲役也本以
避地來往不專為游山行故峽中之景尚有遺不錄
者然使僕也向非避地又焉能冒絕險而為此行也
哉故記其畧以遺世之未游者云

微王大峽何崢嶸疊璋層巖礙飛鳥石壁排空何可鑿
拽雲蒸霧無昏曉凝思天地始胚胎清川一道何從來
聯峯既巨寧擘絕岸不聞神禹開兩山中斷緣何許異
事人傳向開府鑿石穿雲神鬼愁至今行跡行人覩從

此奔流出亂山東滙沮漳入荆楚鱗鱗山樹經寒碧枝
侵雨露根連石境勝應來仙馭遊巖深定有龍蛇宅君
侯事跡已煙沉流水年年石上深山川不改石代積徒
使人興萬古心土人事神何敢侮桂酒春秋荐椒糝衍
衍巫歌神降時森森廟樹來風雨

乘舟阻風

澤國天低星斗濕疾風吹波作山立岸頭草木皆震動
鷄犬鳴吠紛相分通宵數竅無停聲平明更作春濤驚

青天東下日杲杲風伯盛怒何當平人言航河只一葦
咫尺猶須論萬里乃知世事不可期指點舟人轉船尾
常悲無梁越長川我今操舟翻百難平生所遇半如許
豈獨此事堪長歎吁嗟屏翳真可鄙歲歲祠官費秩禮
我聞敵騎南渡年萬里長江波不起

西谷歌

西谷崖壁挺拔雲林深密惜其不一到也猶意其有
隱者焉慨然有結茅之興戲作西谷歌以寄意云

西川峯嶺皆錦延一峯突兀如青蓮崔巍勢壓東南倒
穹崇下俯羣峯小古木陰森寒未凋長雲慘澹晴猶遶
陰巖積雪溜輕冰南嶺驚春轉幽鳥山西有谷聞深曲
中有人家在山麓晝掩柴荆鷄犬閑歲耕煙岫圉倉足
巫山岷嶺遙相連知是層樓幾洞天避世秦人應綠髮
茹芝仙子好朱顏寰區喪亂方如許寸地尺天無安堵
我欲携家住此山高謝時人出塵土女蘿薜荔結為衣
文杏春茅為宇滿谷栽松紫翠寒漫山種杏頰霞吐朝

尋石乳丹洞深暮斲茯苓蒼檜古山中父老志斯言他
時來訪吹笙侶

喜雨行

歲星運行至荒落鷄尾初占建魁杓大旱金石皆流爍
旱魃何知恣為虐大田多稼三百廛盡是農夫耦十千
一朝焦枯如束管赤地百里焚則烟官長視民如視子
長恐歲飢為殍死並走羣望嚴神祀却蓋斤肩昭勤止
至誠果能格明神明神為公訢蒼旻蒼旻油然興濃雲

濃雲鬱興雨如霖農家不傘走溝遂抖擻偃禾有生意

詰朝犯曉細

字缺二

縷縷青黃交頽穗農人以手加額頭

使我不死賴宋侯白老垂髻聲呦呦優游咸歌脫窮愁
陵山攢空挿蒼玉舒水拖絹浸寒綠山高水長歲月續
德我宋侯歌不足

贈趙公旦

少年意氣隘九州遠別不為兒女愁
抵今摧頽落異縣
跬步信宿生離憂况今送子又千里
使我別緒何能休

憶昔石城初識面，兩髦紛憤君纔收。余方弱冠事科舉，竝轡共適東西州。春風尋勝襄陽寺，夜月復登臨漢樓。鳳林花開無遠近，漁梁柳暗迷汀洲。荆門至陋不足數，杏山百丈青泉幽。經過物色盡可記，至今夜夢當時遊。從茲一別星冉冉，相望不啻馬牛。風臨安相見，各驚歎。君非丁壯予老翁，長離更挾鷓鴣。至射策同攀郗詵桂，上書不肯干相公。頻首甘為州縣吏，故人義重非時俗。三程過我荒村寺，歡言不覺春夜闌。破月已上前林端，一杯相屬且自適。莫話舊遊成慨歎，聞君早有求田約。四方寧有襄陽樂，時平我則徑西歸。遠追高士鹿門期。

贈黃子真

再作醉李客，四年兩相從。當時江頭樹，又暗行李中。嗟君事業誠有餘，十年客路常崎嶇。祇應未識今傑士，懷刺試謁劉南徐。

種植詩

魏塘草樹環佛宮，兩春不識能白紅。但有柳絮迷晴空。

今年始種未芙蓉間以寒菊助丰容
新栽黃葵已蒙茸坐待沈寥秋色濃
鞠衣仙人來御風似聞芍藥富紅紫
願分餘波作春事要令睡眼迷網綺
勿言滯客無幾求將致來禽及青李

蔓菁花詩

遊絲百尺如堪挽小蟲羣飛欣日暖
蒿萊滿地不見春唯有蔓菁迷病眼
無復陵陂間碎金青苔漫想元都觀
今朝幸值天無風飛來雌蝶畏雄蜂
村中女兒將挿鬢不信河陽萬樹紅
幽人惜春春已遠把酒屬君君自遣
蔓菁開花猶爛熳君不見西園桃李能幾時
此輩天教擅春晚

寒食竹

寒食祠墳由來已久亂離後每經此節
孝子仁人孺慕感傷可勝言耶因竹寒食
行川叙其痛苦之童云寒食由來古今重
四海人人作坵壠兩京道上松柏多
盡是王公大家塚伊昔年年當此時
鈿車寶馬相追隨

紛紛錦樹溝原野暖風遲日爭光暉草間燒紙樹間哭
羅列杯盤烏攫肉侵晨祭罷薄暮歸旋風剪剪吹餘灰
爾時馬醫夏畦鬼亦受子孫追養禮豐薄由來稱有無
咸具盤餐致醪醴家家坵墳各為主何人壠上無新土
自從遭亂去鄉闕幾歲松楸不曾覩况復其間多發掘
孝子慈孫淚如雨流落他州遇火前去年如此復今年
新阡舊壠祇回首無復原頭掛紙錢君不見東都之傍
永安道車轍平來生碧草四時祠祭今寂然五陵春樹

春蒼烟

秋暑

涉旬秋暑不可觸髮踈被汗如膏沐忽然三日風撼山
冬裘未具膚生粟去年登高作重九黃菊未開新酒熟
今年無酒不登高獨行漫遠庭邊菊中原季月欲折膠
江界隕霜無脫木擁鼻從今四序移遮眼殘書豈真讀
夏致宏方城道中以詩見寄避地窮山秋雨仍

作因次其韻

柴門直面排青壁山木凋霜踈寂歷西風吹雨衆山昏
聲落茅簷斷還滴每讀離騷傷遠遊一為遷客又經秋
四時代謝不停軌激江萬古長悠悠丹楓黃葉照巖壑
物態故欲增繁憂詩成滿岫濕煙起寸心折盡空搔頭

欽定四庫全書

紫微集卷六

宋張嶠撰

五言律詩

春日

老去仍羈旅逢春非我春物華隨意別感慨與時新柳
重將迎客花然似笑人十年憂國淚依舊灑衣巾

七月二十四日山中已寒二十九日處暑

塵世未徂暑山中今授衣露蟬聲漸咽秋日景初微四

海猶多壘餘生久息機漂流空老大萬事與心違

病中夜雨

新涼增客意卧病復踰時雨脚夜深白蟲聲秋後悲
高
低山樹立迢遞曉鐘遲此夕天涯鬢知添幾縷絲

忽見早梅

積雪凝閩嶺凌風識暗香疎花經雨瘦卧影入溪長萬
里難為贈九回空繞腸綠原聊駐屐試待月荒涼

坐聽啼鳥如春禽響信筆書

閩山冬候暖寒鳥似春禽一聽間關語偏生羈寓心雨
霑陳葉盡雲壓暮山深坐久疎鐘歇餘聲過遠林

次韻子直二首

南北半程雲澄江對華門未能操井臼試學牧鷄豚智

勇懷三傑英雄鄙二袁男兒須報主未用反招魂昔屈原宋

玉作招魂大招其意以既遭放逐欲復歸故都以相其君而唐皮日休以忠放不如介死故作反招魂

曠朗秋天迥嶺雲依樹消飛飛歸鳥急去去廣川遙鴻

鵠本難畜松筠常後凋誰為招隱賦歲暮獨難聊思玄賦云

金定四庫全書
卷六
怒鬱悒
其難聊

次韻朱希真二首

東觀曾同入南宮復鴈行嘗寮雖具爾投分獨難忘榮
悴無多異漂零共一鄉遙欣訪蕭寺顛倒曳衣裳
禪榻仍兼卧蒲團穩著綿自疑方外客猶費縣官錢意
懶如聞道身閑似得仙何當集蘭若已辦泛湖船

再次韻寄朱希真

一舍徒相望書來祇細行野梅行欲盡幽興詎能忘老
去尤耽句春來更憶卿看看過寒食北望一霓裳
初喜花明炬還愁柳墮綿時須盃裏物聊費杖頭錢天
上足官府人間有地仙却慚營道嬾渾似逆風船

次韻周守二首

西州方用武憂思悵如焚秋興悲黃葉閑情屬野雲鳴
鴻何日到絡緯不堪聞每憶盈尊酒清談從使君
秋色際遥海乘高傷遠眸風塵方未艾身世豈勝愁黃
菊已過晚濁醪徒滿甌何時奉松缺一醉碧溪頭

次韻周子直四首

寰宇安危異乾坤歲序同
投身雲嶠碧落膽戰塵紅
晉馬成南渡宗周入國風
操戈誰衛社羣盜正爭雄
西北壇途屢東南信未通
小夫方自智大將莫論功
敵馬來關外油幢入閭中
孤臣難自力報國意無窮

樊多勝日杖屨偶相同
西嶺輕陰結東山落照紅
葵傾終向日蒲弱易含風
甘作囚山柳休爲投閣雄

淵明門謾設仲蔚徑才通用
世慙無術哦詩喜有功
舊廬羣盜裏北關戰塵中
塞路多豺虎吾生信自窮

又次韻四首

長夏林泉好還飲觴羽同
顛毛愁裏白顴頰醉來紅
日蹇嗟南國民離歎北風
當途寧市駿俗眼鏡嘲雄
異世如張贄深居似敬通
致身寧有意覓句恐無功
世事忘言外羣情一笑中
詩書猶可詠吾道未終窮
臨流清滄暑薄暮一尊同
林葉風翻白山梅雨漬紅
鷺魂須楚些繕性賴真風
舊學嗟荒落新詩識渾雄

鍾定四庫全書
卷六
篇章雖漫往悃幅詎能通待子應無恙臨池定有功綺
疏羣木杪倒影亂流中何日陪康樂登臨興未窮

山中夜月

過雨得清夜月明惟水聲葉先知露墮蘭馥賴風清天
地未悔禍豺狼猶阻兵故園同此夕長望一霑纓

雨霽獨夜

繁星凝夜氣黑月惟西山一室空林迥逾知天地寬葉
乾風有韻石亂水多湍獨坐澄諸念憂來信有端

今春花卉盛時黃霧連十餘日不解久不作詩

偶成

病覺詩思竭年華柰若何亂花欺客恨黃霧作春魔地
僻交遊絕庭空鳥雀多亂離從節變不復嘆蹉跎

郡樓對雨和周守韻二首

蒼煙迷野色林谷尚微分暮雨已吹幔層巖猶出雲晚
風時斷續落葉自繽紛寂寞窮山裏何堪入夜聞
暮雨昏平遠南山漸不分濛濛連楚塞細細濕行雲從

金定四庫全書 卷六
宦成霸束登危厭糾紛何時踈竹裏還向舊山聞

桃花塢

三吳皆白水處處祇橫舟獨有桃花塢光風盡日留一朝山雨過忽見夏陰稠詎昔繁花晚徒嗟歲月遒

褒城縣雨中

嶺雲方笠覆簷雨已盆傾山氣晝侵幔灘聲夜入城子
直空舊隱褒如謾垂名訪古多磨滅秋風山樹頽縣有漢王

城沔水今皆湮滅

夢中作得六句覺後足成

山中茅屋好况復竹籬新一逕徃來客萬山迎送人葉
殷渾欲染冬暖却疑春近得幽棲地時來角岸巾

秋日懷古園有作

故里田廬遠他鄉禾黍秋風高初下葉川淺欲生洲月
出空山靜煙生遠樹稠已諳爲客意堅坐任遲留

途中偶成寄幕下諸公

曠朗高天淨蟬鳴江漢秋川晴山歷歷身遠意悠悠落

日慘行子長風欺弊裘
郡樓今夜月應從庾公游

秋日

忽忽經年事悠悠
滯客心晚花生廢圃
老樹立秋陰豈
有清樽醉寧辭
白髮侵樓高見毫髮
老大怯登臨

望瞿塘峽

萬古瞿塘峽猶存
禹鑿痕岷峨驅衆水
滌瀨沒孤根雲
黑樹含雨祠荒鴉
噪昏悲涼瀼西地
三嘆相營魂

入瞿塘峽

瞿塘深窈窕翠氣曉
空濛亂石增驚浪
長灘激迅風舟
行天漚內身在夾
城中絕壁皆侵漢
于茲識禹功

贈黃子真

江漢知名士石城
黃子真殷勤能過我
坎壈歎斯人此
去仍爲客舟行任
過春無資振遊舊
懷抱不能伸

送賀子忱漕閩

上蔡舊名士中臺
今望郎行馳封傳
寵路向七閩長山
水聞清遠官曹說
暇皇遙憐荔枝熟
虛館進風涼

送許子禮漕湖南

為郎端有望漕務復需能湖外頻無歲漢傍連有興足
兵先一飽化俗遲三登時到湘西寺高臺得蹙馮

雨後望雲

歲序屬殘臘雲容先發春氛氲迎近壑亂鬢靄遙津暮
色含微雨林滋被細筠憂居時物變有淚洒蒼旻

立春後一日偶書

薄暮春風惡黃塵漲遠山冥冥林靄變冉冉鳥飛還作

客信多畏依人足強顏飄揚他日意回首鬢毛斑

偶成寄致宏

為問邊城客經春復若何孤生寬意少游子苦顏多青
壁題詩處澄潭載酒過塞垣風色惡應憶舊雲蘿

山前紅葉

前山風落木俯檻愛爛斑凌曉千花麗經旬萬炬
人歌火織巴客訝燒山不似庭花艷開時瞬息間

贈相僧楊嬾散

金定四庫全書
卷六
邂逅湖傍寺翻然還語離春風飛錫遠暮雨渡杯遲渺
渺孤雲意翩翩野鶴姿百年堪幾別何處重相期

戲呈覺老

投曉過書齋風門自閉開雲容疑水墨雪意吝瓊瑰筆
冷吟呵凍爐寒坐畫灰何如羶帳下低唱兩三杯

清明

園幽春去遠山暗綠初成雨過林姿潤風回池面平十
年空潦倒萬里近清明淚盡新阡樹如今青葉生

獨夜

清燈蕭寺遠不寐夜何長風細頻翻葉雲輕才護霜
黑水泱泱月明山蒼蒼作客歲月晚故園春欲芳

苦熱

三吳多異候瘡癘日愁予夏日雖可畏清風非穆如殘
春且重繭徂暑但深居凍飲清涼耐由來未可儲

送趙公望入蜀

異世黃叔度宗支劉辟疆相看不覺厭此別誰能忘四

海兵戈滿山川道路長去留無上策分手鬢毛蒼
秋日晚出郡郊

暝色生平野喬林動遠風蟲鳴古道迴月白戍樓空歲
月悲歡異山川今古同荒城見搖落未免泣途窮

寓居

是處爲家得斯居亦漫成西齋便靜密小閣更深明送
老一床足遺形百慮輕傍人訝幽僻端可寄餘生

和周守登樓對雪

寒風動原野密雪度層軒素積長郊色青餘遠岫痕輕
冰幽沼合棲鳥暮叢喧邊騎暗河洛應無閉戶表
風積同雲凝飛花際八寰碧流連遠水玉立認羣山戎
馬逾猖獗生民政險艱兔園歌吹地回望損朱顏

余於六月初三日泛舟至奇石洞留題洞中一

首

世人應未到若士或曾遊岸隔千峯秀門臨萬瀨愁
蜺旌疑可遲丹洞擬深投歸去誇塵侶城闈鶴暫留

賦得山上樹

鬱鬱復蒼蒼扶疎翻曉光豈能偏雨露祇益早風霜
蕭瑟秋將暮紛披葉盡黃深溪調鼎樹歲晚獨能芳

遊北巖

尋山輕近境偶向此中來精舍層巖擁穹林石路開
排雲今歲竹封徑幾年苔僧老無餘事端居傲劫灰

往年沿檄金州謁女媧神祠是時猶未亂也紹興
壬子挈家避地三巴後過祠下登山椒以望

江漢自是故園懸隔矣

七年如轉首復過此山頭閱世興衰異傷時涕淚流
嗟無補天手豈有去鄉愁漸覺山河異憑高更少留

次韻太守會宜休亭二首

履齒破苔色林塘欣共尋水光連竹塢山翠上衣襟
疎柳搖斜日高梧轉晚陰
姪隅休入詠可怕兕觥深
萬竹鏤深翠幽亭枕柳塘
共臨朱檻坐遙借渚蘋香
烏喜樹陰密魚遊荷影涼
聊從山簡醉踈逸興何長

喜晴

一春黃霧暗今日天始晴林姿明積雨水色澹初晴好
鳥關關轉新泉泱泱鳴前山有佳色聊以駐幽情

登寺閣見月上率然成詠

殘陽猶半谷片月已臨山暮色千林起鄉心萬里還不
堪常俯仰寧有但間關絕世非吾意幽棲寄蹇閒

九日

重陽述令序景物自為嘉易辦如江酒難浮似粟花追

遊疑所務寄興渺無涯舊俗臺應廢何人杖馬趨

九日空山裏乘高感歲華霜風翻絳葉晴日亂黃花積
雨饒新徑荒林足亂雅連年頻避地憔悴客田家

歸日再過分水嶺

茲山已曉絕盤道乏縈迴路向日邊出人從雲外來澗
聲高更咽梅蘂雪猶開却憶僧房坐深爐擁細灰

金州行衙

城頭翻鼓罷庭樹晚風愁破隙華星大當簷素月流灘

聲侵夜急江霧入城浮此夕天涯客何心倚戍樓
舟行書所見

津木始凋霜溪梅已飄素河山自殊方景物宛如故悠
悠山陸行日日年華度遷客未停舟江烟欲成暮

寄題友人小軒

簪組豈為累悠然塵事微看山心自適閉戶客來稀流
水三吳大清霜衆卉腓何由納芒履一為款荆扉

山中

深夏遠山暗溶溶雲動山晚川澄衆影霽色潤層巒地
靜知秋至衣輕覺暑闌居山非有意偶托即身安

興州道中遇雨

非于秋色苦客意自蕭條谷口玄雲惡關門白露高沉
塗連遠驛寒雨暗長郊誰念征衣薄西風方怒號

通惠泉

東西幾山隔石徑不容車那知厚地底自然成井渠甘
餘留齒頰清足鑿眉鬚不用瓶罍貯罍罍似酒酤

井渠事見

西漢溝
恤集

寄題江月亭

暮氣集江縣斯亭發興深憑欄看巴水見月過東岑淺
瀨金蛇動澄潭白壁沉天邊未歸客折盡此時心

非下好即事

落日邊書急秋風戰鼓多私憂真過計長算合如何盡
欲清淮戍仍收瀚海波棲逢一樽酒幽恨滿關河

九月十四日登崇山晚歸

陽精天際滅暮色望中生嵐氣侵衣薄山風墮葉輕林
空霜月迥沙白夜江明雲裏相呼鴈翩翩尚遠征

初春

原野土膏動懷生各自欣老年歡緒少獻歲物華新草
木涵時澤江湖寄病身百年都幾日四見魏塘春

次韻周守遊海棠溪

浣沙何處是空翠隔崔嵬嫩綠連山暗妖紅照水開惜
春嗟婉婉載酒約徘徊莫怪臙脂濕曾經夜雨來

窮居暑雨

空庭滿積雨竟日看圓文未厭草木歲不堪龜鼃喧奔
流遙澗水亂上前峯雲境靜悟諸幻泊然遺世紛泊然一作

蕭然

陳叅政挽詩三首

今古雖同盡存亡暢遽分人誰為為善天不右斯文莫
遂三年築空悲四尺墳音塵竟何所俯仰嘆蒿焄
脫屣違人代振容即路歧名流祠洗馬白旒痛元規一

代風流盡千年翰墨垂傷心墓前水故作夜深悲
徒知天可恃豈謂病終侵遽使儀刑意翻成殄瘁心開
阡賢子力卜遠外姻臨墓木看初種俄悲已茂林

劉忠顯挽詞并序

竊以忠顯公之高節令名冠於今世追配古人天下
之士欽威靈仰光耀之日久矣某幸以賓客之末游
寶學公之門因得進拜墳下退而作哀挽詞五首雖
不足以佐潛德之光明然立言紀事良不愧太史公

之實錄云

黃屋辭丹闕貞臣赴敵營解言終不反先面竟如生誰
並當時節獨流干祀名承家有賢嗣諒不愧西平
抗節羣公愧攄忠醜類尊威稜千古在姦佞百年存盛
德源流遠公朝禮物敦豐碑昭令德榮耀及來昆

天運丁陽九蒙塵事可傷羣寮徒陷敵賊子更臣張自
古寧無死惟公獨有光向來從偽者生意日荒涼

視死如歸士捐軀盡國臣殺身雖一槩為義豈無因孔
墨休相並張南僅比倫微公今史上死節待何人

臨難不忘死為忠已足多全生猶有路仗節竟如何可
驗平生志宜令後世歌諸儒主褒貶毫髮未容訛

王寶學挽詞二首

德望三山重勤勞一節忠丹心明貫日英氣浩如虹趣
召恩方急跣跌事已空功名重回首寂寞淚東風

故相傳勲閔風流見典刑所期為早雨何意墮明星有
美開桴鼓姑蘇詫使亭若追甘露事忠首定丹青

劉無虞尊人挽詞詩

蓄德竟不耀坐觀門戶成生無三事貴祿有萬鍾榮色
養無違志陵終若事生秋風如同極蕭瑟在松聲
刻杖方優老臨川忽逝波登年惟載德生子舊持荷此
日志風樹他時廢蓼莪輻車方即路隣杵為停歌

李廣甫挽詞

磊落生平志酣歌萬里空名從敦樸重家為克勤豐誰
與萊衣戲唯餘杖藜紅素車慚有阻揮淚灑霜風

鄒德久挽詞二首

萬里南來惟君意寂親渾如相識舊殊異白頭新一別
遽千古九衢空萬人道鄉雖有子

才具稱要腹奮然吞八荒相期終用世誰料祇為郎地
下脩文久人間逝水長平湖遊覽處山色舊蒼蒼

范覺民挽詞四首

射策驚寰海收名儼岱嵩俄從白面士遽作黑頭公積
善齡何促流光後必豐他年悲宰樹獨在淞江東

舊陰交蓋處草草遂離羣何意終天別居然此地分豐
盈耳上壽鼎盛忽西曛遙想天台悲^路笳慘暮雲

有位居台鉉無年究遠猷共懷三人望忽嘆九原幽歸
葬新阡遠追榮卹典優興衰春夢短人世諒何求

生平輕語別徒恃接鄉閭及此悲存沒追惟恨濶踈已
聞窀穸日猶恠孟郊書宿草他年哭仍悲非故墟

陸克夫母吳夫人挽詞

在姆母煩訓承家綽有宜辛勤當年歲宴樂近期願既

極南陔養仍深楓樹悲他年褒女史不愧管彤詩_{區明}

昭我管彤
范蔚宗語

余夫人挽詞

弱歲承蘋藻慈和內政惇辛勤立門戶壽考見曾孫寵
秩官封貴教音琬琰存新阡卜何許當可萬家屯

... ..

... ..

... ..

... ..

... ..

... ..



書